



六
徽
通
志

ル 5
1575
77



九三〇五
1375
卷



重修安徽通志卷二百三十四風一表三百餘人不符詳見

人物志 故寒斯危中試奏一錄其

孝友 一 謝富人母陳氏貧而志三晉德愈至五九亦性

夫孝友雖曰天性實賴教化焉洪水平烝民粒亟使司徒教人

倫厥後周官六行孔子一經其教益明於天下聖教既明故雖

六朝擾攘五季紛爭明末流寇蔓延而生人天性終不隨世變

而漓況我

列聖論訓十六條煌煌昭示四海風同豈獨安徽一省而卽一省以推

之天下則知敷教明倫其效蓋可觀矣往者轉徙兵閒多有陷

白刃以衛其親者特別於忠節而列諸此篇以贖前志至前志

所載太和楊謫仙按明史孝義傳敘爲雲南太和人例得刊誤

述人物志孝友

重修安徽通志 卷二百三十四 人物志 孝友 一 安慶府

安慶府

宋何伯瑛廬江人與弟幼瑛俱勵節操養孤兄子及長為婚娶
推家業盡與之安貧枯槁海人不倦有蔡智曇者鄉里號蔡曾
子伯瑛兄弟鄉里號何展禽並為高士沈顛所重南史吳達之
懷甯縣

志

唐徐仲源望江人母病割股為糜母食而愈貞元中上聞勅號

所居鄉曰孝感母畏雷仲源必躬為掩耳既卒葬於宅東南隅

每遇雷震輒覆墓曰仲源在斯事聞再命築孝義墩賜白華軒

以彰之江南
通志

明曹鏞懷甯人母病割臂肉以療者三皆獲愈妻王氏亦割肉

以療姑疾洪武中旌表一統志
史考義傳敘

曹瑛桐城人明初六世同居一家三百餘人不蓄私財桐城
縣志

楊貴懷甯人母蔣病割左股及脅以進遂愈詔旌其門江南
通志

韓祥印懷甯人再割股療祖母及母疾江南
通志

程昇懷甯人母聶守志昇以孝聞曾前後割股以愈母病同邑

盛應魁與葉正奔皆以割股聞江南
通志

江東隅懷甯人父病割股暈而仆眾驚視血流滿地口喃喃作

治藥聲眾為進之父卒東隅亦以創亡懷甯
縣志

張祝桐城人十歲母疾割股以進遂愈江南
通志

夏子孝字以忠桐城人初名恩六歲失母哀如成人九歲父病

危割股以進得愈翌日創臥父詰知大號鄰里趨視嘆異聞於

官前一夕知府胡麟夢王祥來謁詰旦牒至詫曰孺子其祥後

身耶召見易其名曰子孝達之學使為諸生父喪廬墓後師事

王畿等學使耿定向將疏聞於朝力辭而止明史孝義傳
江南通志

吳日旦桐城人割股以愈親疾後以貢入成均考授建安佐兩署縣篆有循聲以艱歸值歲饑煮糜以賑施棺掩骼人咸德之

安慶府志

朱文林桐城人甫六歲喪父哀麻哀慟如達禮者母病篤潛禱於天割乳下肉一瓣和湯以進遂愈及卒廬墓竟以哀毀卒

通志

鄧元聲桐城諸生母病篤焚香割股以進

安慶府志

徐卽署桐城人甫八歲祖沈病臥牀署割股進祖食之霍然起同邑盛唐年十二祖母病篤割股療之得愈後唐父病唐爲嘗穢其母張亦割股救夫得愈

江南通志

金鞞桐城人由新安徙母病割股以進弗愈聞古有割肝者乃穴腹取之母噉少許立瘳

江南通志

黃朝烈潛山人母病泣禱於天願以身代因割左股和羹飼之

遂愈同邑袁學知母病籲天割股母食之卽痊推父遺產以讓

二兄又汪勝魯母病垂危割股寸許和羹以進病頓起

江南通志

安慶府志

王基泰潛山人母病甚割股進湯沈疴頓起父九鼎死節故城

基泰數千里負遺骸以歸赴闕上書積勞成疾卒

安慶府志

呂璵太湖人母病禱天求代不愈乃割股入藥亦不痊及卒廬

墓朝夕哀泣不絕嘉靖閒旌

明史孝義傳敘璵作璵

李日新太湖人母病已瞑目日新割股入藥起齒嚙之立蘇

安慶府志

府志

方友信宿松人母病三十年侍湯藥不倦及疾甚割股以進子

際明際奎孔成孔祐俱割股救親時稱方氏五孝

江南通志

張洪猷宿松庠生父卒廬墓三年母疾割股和藥得愈讓產以分諸弟天啟四年旌江南通志

何大節宿松人家貧養親必豐母病割股進之獲愈兄弟三人節經營所得以給二弟已無私焉安慶府志

龍湧望江庠生家被火祖母方斵睡奔入烈燄中負以出父病割股療之得愈嘉靖中詔旌其門曰慈順復其家一統志明

蕭起鳳望江人十二補諸生父病割股和糜進霍然起臺司表其門曰孝子閻江南通志安慶府志

方可遇望江人生十歲而父卒事兄如嚴君母疾籲天割股和糜進遂得愈子曰賜郡庠生亦以割股愈母疾人稱世德安慶府志

朱守益宿松人母疾割股同邑葉應龍亦割股救母又望江蔣珉割股救父得愈江南通志

檀郁字子復桐城人幼孤母汪氏守節郁事甚謹及母卒貧無以葬或贈以山多石不可穴夢神告以湧泉穴得之山麓遂葬而結廬焉忽石罅出泉喪畢而涸正統中旌表一統志明

吳本清懷甯庠生父疾籲天求代母卒廬墓有甘泉芝草之瑞成化時旌一統志明

程維懷甯諸生父母卒俱廬墓至服闋以長兄早世資產悉讓孤姪同邑程睿思諸生父卒廬墓三年安慶府志

胡洪桐城諸生母病躬侍湯藥夜不就寢及卒廬墓父卒又廬墓三年安慶府志

李悅潛山人永樂辛卯舉人官深澤教諭父母繼卒廬墓六年食惟餽粥雖鹽味不近安慶府志

雷士吉太湖庠生父卒廬墓三年母卒守墓亦如之凡鮮物為

父母病時所未得者終身不食

安慶府志

呂之徵太湖庠生父卒廬墓三年事聞得旌

江南通志

馬繼周太湖人父早卒母陳氏守志母卒廬墓三年哀感之聲

動於松柏萬厯間母子俱旌

江南通志

阮聖士太湖貢生母卒哀毀骨立廬於墓側斷葷者三年著有

詩文十餘卷

安慶府志

雷恂太湖貢生二親繼亡廬墓號泣者三年竭力養祖母事兄

若父視姪若子卒年九十一

安慶府志

張國憲宿松人山居不入城市一夕盜至負母踰牆身受三創

得免母亡廬墓三載同邑石汝修少失恃父卒廬墓三年及繼

母卒亦如之

江南通志

黃正中宿松人母病亟哭泣成疾與妻吳氏侍不解衣及卒廬

墓三年父疾與兄正位俱割股和藥父次第飲之得蘇及卒哀

慟三年未嘗見齒

安慶府志

魯希曾懷甯歲貢與弟孝廉希周菽水侍母必歌詩以侑之母

疾三年衣不解帶學使欲以孝旌希曾泣辭曰此自生人恆事

何忍以父母博名哉學使降階而揖愈敬禮焉

江南通志

段正洪懷甯人性至孝母卒會鄰家火將及正洪以身蔽棺號

天哀甚忽雷雨大作火隨止

江南通志

阮以臨懷甯舉人知普甯縣攝新會篆皆有惠政少豪俠知軍

旅總督葉夢熊征甯夏疏薦偕往以臨潛然出涕曰溫太真一

代人豪特以絕裾而出千古薄之吾奉菽水他不問也力辭不

出母歿每除夕必墓宿後為欽州知州卒於官

江南通志

殷溥字直菴宿松人成化癸卯舉人少孤事母極孝欲得薄祿

以事親就教嘉興遷國子監助教覃恩錫封有母節子孝之褒

母亡後遂不復出

江南通志

胡效才字用甫桐城人嘉靖乙丑進士少貧授徒以養事父及繼母盡孝嘗築二室體父母意即以授二弟江陰令以故交厚餽不受僅受布二端以奉母後卒於京邸猶致書二弟以不得終養為憾

國朝雍正五年

旌表建坊

江南通志

魯學易字心源懷甯人萬歷閒舉人廉介不苟取有方士善黃白之術欲私相授學易笑卻之故人為臨川知縣值歲歉遣以金復載粟數十斛相餉俱不納性至孝父教甚嚴年六十猶撻之則跪受惟謹父年及耄恐獨處不暖其被者八年授金谿知

縣不就卒

一統志

方鵬字其大懷甯人家貧繼母馬遇之恩薄有女弟馬出也馬欲鬻居以嫁之馬既卒鵬猶如其意治匱父病篤吐血一升跪接而吞之尋歿刻像飲食必祭會他出夢父有怒色馳歸有家僮簪其像號泣治之蓋誠孝所感如此後登嘉靖丙戌進士歷官多異政以祿不逮親終身不敢自奉仕至陝西督學僉事

江南通志

慶府志

吳堂字德升桐城諸生父患脾痛堂手自抑搔數月不使人代至丙夜父命之退猶泣不忍離父病革謂堂曰汝母非汝恐不得盡菽水之歡也將析產伯兄為政堂僅得瓦廬半間以奉母有圃在伯兄舍後堂知其欲即書券以遺之值歲歉有歸粟數十斛者堂縮口節食以其羨給諸從兄弟及比鄰之乏者後以

子一介貴贈副使

江南通志

方琳桐城人母弟四從弟二同居其炊自父及身數十年不改琳秉家政不私一黍旦命某讀某書某耕某田夜則集坐論業怡怡如也天順閒應辟為天官生諸名賢皆與之遊給事姚旭題其堂曰翁樂學士柯潛為之記

安慶府志

方可桐城人伯仲皆異母父獨愛可伯仲恚之父卒伯仲爭貲可曰兄弟無訟詞不訴鞠不辨引咎而已有司直之嘗置義倉積穀以濟貧者

江南舊通志

方岱望江人父璽以孝行著岱嘉靖時歲薦當選以母老不肯仕詔授職以旌之

江南通志

彭寶字惟善桐城諸生父母怒則涕泣叩頭得解乃起父母不和嘗終日跪以求解妻胡氏事姑稍不敬輒欲出之妻悔悟卒

以婦道稱後居喪哀毀卒遺言以衰服斂邑人以寶與朱文林

並祀孝子檀郁祠

一統志

陳所聞桐城諸生少孤奉母能得其歡且讀且耕次第為弟妹營婚嫁以耕讀所得置田各畀一頃弟兄白首怡怡如也縣令旌其門

江南通志

周聘桐城諸生父母歿以未得葬十年不釋衰經知縣李尚默賻金為營葬或言當詣縣庭謝聘曰此李侯自為治邑計吾何謝葬訖猶未釋服曰為人子而以親喪煩長吏吾何安又三年乃釋服

一統志

陳邦符潛山人少孤母萬年二十守節誠邦符曰兒能勉讀父書庶不負母忍死意符感泣就塾出入必稟命遺產盡推以讓叔授徒以養母卒廬墓哀毀以恩選歷三縣學博遷潞守審理

江南
通志

方之綱字振宇桐城人萬歷丙子舉人授雲南曲靖府推官愷悌神明滇人戴之弟之紀因兄出仕慨然曰兄出則弟當處力課農桑使兄無家累以成廉吏之綱在任亦念弟不置曰吾安忍久在外以累吾弟乎遂告歸同居終身時兩高之

江南
通志

張思誼桐城人八歲喪父事母極孝夏驅蟲冬炙爐必親為之值令節必坐母堂上拜跪獻酒徹亦如之五十年如一日弟思謹屏而愚誼衣食之年未三十妻亡不娶曰恐有室則於吾弟

疏耳

江南
通志

周登桐城人弟赦早卒遺千金篋以授登其子不知也登撫之成立比長授室補博士弟子乃出以授之封識宛然

江南
通志

周自桐城諸生弟覽侵賦有司督之急覽售產於自以償自為

代輸入百金不受產惟取一雕鞞曰弟以太侈故至此欲碎之

以示誠宗人或請之即與之居數年賦仍不給又納二百金覽

感泣後亦稍克自振云

江南
通志

張廷中桐城人兄弟五人既析箸弟業日落廷中滋殖曰吾不忍弟之壁立也集諸弟合爨而居久之諸婦有後言廷中曰吾知厚弟耳安問其他悉以所殖之產五分之仍為輸稅終身

通志

方初字子復桐城人童時父病溽暑嚴寒不離臥側妻盛氏事姑甚孝內外無閒言

江南
通志

黃敦字效仁桐城人同祖二弟家落鬻產敦曰不可委祖澤於異姓厚直取之弟後以困乏拮据治生敦曰吾何忍取弟產欲其知艱苦自立耳今乃能如此遂以產還之不取其直

江南
通志

部冠桐城諸生以孝聞葬親後過其山必泣拜而後行數里外

望見必式而改容

江南通志

胡琴太湖人母早亡繼母嫉之琴事之盡孝母疾禱天求代母

聞而感動母嘗當暑晝臥必衣冠揮蚊蠅不輟及母九十琴年

七十矣猶不改常度定省益勤事聞旌其門曰七十而慕

江南通志

葉日升字寅初望江人萬曆己酉舉人時方重慶介眉侍壽猶

執少儀友愛諸弟館穀所入悉以分給人稱真孝廉

江南通志

方祉字子受桐城諸生事孀母極孝兄祿患疫近者輒死祉扶

抱服勞不離左右兄謂之曰人畏我疫弟何獨如此答曰智者

不信幽而棄禮仁者不違道以求生兄病尋愈

江南通志

顧槐太湖人事父至孝父意所在無不委婉承順及卒廬墓三

年萬曆閒旌表建坊

明史孝義傳敘
江南通志

殷效桐城人繼母夏有二子美衣豐食就傅授書而裁效衣食

使耕效作苦淡泊無難色夕歸濯足更衣侍側色常愉父喜勞

之愈奮力乃致千金分給諸弟錙銖不私夏亦感悅遇效有加

江南通志

丁瑁桐城人性孝母病疽吮之而瘳及卒廬墓三年歲饑積粟

數百石盡以散給鄉鄰族里不能婚娶者咸助之資

桐城縣志

王鼇桐城人父卒廬墓日夕哀號思慕不已忽夢父曰兒何不

肖我以像鼇曰兒不解畫奈何父曰吾其誨爾既覺舉筆而就

酷似其父見者以為神授

江南通志

朱蓬桐城人兄弟六人善事母氏瀟樸孝友合力構一堂以居

三年又成一室與仲氏次第相及各安其室有鄰翁貧病田蕪

蓬使三弟為之墾翁異之蓬曰吾力有餘翁力不足故代耕耳

江南通志

汪文煒字純符宿松人父卒事兄如父奉繼母以孝聞母始苦之後亦感悟萬歷癸卯舉於鄉知靈邱縣致政歸析產兄子與己子均嫁姪女一如己女晚歲貧窘處之淡如

江南通志

田荆字義軒宿松人幼喪母繼母駱撫養之及長事母孝母喪明食必親奉侍疾不解衣數月及卒哀慟幾絕二弟幼荆撫育之田舍分給無私

江南通志

吳旦字子寅懷甯人以貢任孟津教諭幼孤事母孝昆弟羣從食指甚繁皆待養於旦旦教授生徒所入悉以公之妻方氏糲食做衣無怨言歷數十年如一日

安慶府志

盛希夔懷甯人父病肺晝夜侍湯藥衣不解帶居喪哀毀兄弟爭取父資希夔一無所問

安慶府志

吳汝鼎懷甯庠生幼失恃傷痛嘔血弔者泣下兄汝忠病癰鼎稱貸易參苓進肉食躬為洗滌百日不倦夙精典故饒經世學巡撫張國維史可法咸國土遇之

江南通志安慶府志

齊永箕桐城庠生父邦彥為盜執拷索財物永箕驚起不及衣裸體直入厲聲曰財物任汝取勿傷吾父殺我可也盜相謂曰此人捨身救父孝子也相率去誠孝感物時稱異之

安慶府志

余典字克敦桐城拔貢居家孝友兄弟子姪近百口共炊而食內外無閒言

安慶府志

吳德堅字爾玉桐城庠生孀母姚氏明末寇亂罵賊死德堅終身思慕有時門人語及流寇輒悲悼涕泗廢寢食者彌日

安慶府志

丁一鳴號惺蓼潛山人萬歷丙辰進士授中書舍人性孝友清俸所入悉分昆季崇禎閒召對稱旨選給事中卒於官喪不克

舉同官助之觀始得歸安慶府志

陳道賓潛山庠生兄弟三人仲早歿有子四人皆幼道賓撫育教誨為之婚娶過於所生又嘗設義冢葬枯骨有古君子之風

江南通志
安慶府志

王世蒸潛山人父早卒孝事孀母有弟六人俱穉弱世蒸撫育以逮婚娶成立拮据四十餘年不改其度同邑廩生徐翊明孝事二親友愛其弟教之成名甘苦必共安慶府志

陳貞肅潛山人色養二親與二兄友愛不忍析居長兄歿無嗣事嫂尤謹次兄歿遺孤二人年皆數歲貞肅撫育成人分給田產與子維均安慶府志

章允端太湖庠生父早卒弟在襁褓允端事母孝撫弟成立備極艱辛念母孀居杜門不干仕進旦夕依膝下邑大疫收瘞骸

骨無數安慶府志

柴維楨字克生宿松諸生十歲時母被骨哽七日不食楨哭其

旁亦七日不肯食後以貢應選值父疾危不往服闋有勸駕者泣曰親不逮矣豈可為毛義所鄙廬於墓側終其身宿松縣志

趙惠宿松人性至孝母死不能葬鬻女治事及父卒復鬻子知縣施溥義其行為捐俸贖其子安慶府志

黃日新宿松人父早卒母疾侍藥不離及卒日夜號泣弟求析爨新不忍而泣遂止越數年兄弟俱欲分析乃聽自擇無所恡後其弟鬻屋出居新又構屋居之周其衣食安慶府志

江恆滔宿松人萬厯閒饑妻為富家泔滌躬為書傭以佐薪水鬻宅為弟授室母年八十齒落不能食親哺之邑令咸式其廬

宿松縣志

張麗奎宿松人兄弟五人同居不析箸同邑庠生高如翼如軫孝事孀母兄弟不析箸老年友愛尤篤人皆以為有公藝風

府志

張期賜桐城人父病刲股以進及卒廬墓三年

桐城縣志

何自奇宿松人母疾同妻徐氏抱扶澣垢日夜焚香願損壽以益母母已瞑復甦語其妻徐曰有告我與爾年均自是漸健後

年八十九卒徐年亦八十九卒

安慶府志

王維翰望江人父疾究心岐黃調藥以進得愈後以明經司訓廬江升辰州教授以母老不赴鰥居數十年坐臥不離母側母

卒亦以哭母卒

江南通志

李德寶望江人母病吮癰不離側者三十年

江南通志

章繼魯望江庠生親疾籲神求醫長跪淚泣親歿既除喪祭祀

必哭君子終身之憂於繼魯見之

江南通志

王準字明衡望江庠生父枕生子五人準獨任甘旨父將卒有

遺金以付準準拜泣即以公諸昆弟弟惟無嗣準憐之同起居飲食二十年惟先卒有遺金準為之分給諸猶子

江南通志

方學尹字起莘桐城人葬父奉遺命與繼母同窆不敢違掘穴

有石號泣籲天鑿石以厝後徙墓皆成土矣人以爲誠孝所感

江南通志

阮廷瓚桐城人早失怙恃事兄如父兄窘辱之瓚惟順受後一

僧指其兄爲盜吏捕之瓚使兄逃而代就捕備受拷掠曰我兄

非盜必欲誣盜盜者我耳官憐而釋之後以子鶚贈刑部主事

安慶府志

盛儀桐城人事父母孝兄欲析居儀抱弟哭曰安忍視不聽析

券盡以讓兄及兄卒家落儀迎嫂養之撫其孤俾有室家季弟
德領鄉薦未仕卒妻年少守節給養甚周厚匱其女如己女凡
宗姻婚喪弗贍者輒助之以子汝謙貴封御史安慶府志
馬懋襄桐城增生太僕孟禎子十一歲喪母哀毀若成人每痛
母不及養刺血寫經以子之瑛贈陽江知縣

國朝以孝行蒙

旌祀忠孝祠桐城縣志

倪夢梅桐城人父疾禱神願以身代躬侍牀褥累月無惰容事
繼母至孝與弟析產不問多寡惟其所欲以子應眷貴贈太僕
少卿安慶府志

姚自虞桐城廩生篤志孝友季弟廢業貧甚為之置產再廢再
置無怨言解紛賑饑鄉里德之子之蘭初令海澄貽之書啟函

左右避之之蘭曰吾父無私語也與眾觀之戒其訊獄必思平
反而已後贈汀州知府安慶府志

劉應甲懷甯諸生叔父母無嗣病篤應甲遂不應試侍湯藥營
葬如子鄉里義之江南通志

左光前桐城人忠毅光斗兄也忠毅罹璫禍檻車就徵時以母
病不得偕及母稍痊即徒步入京則忠毅已致命獄中護櫬南
歸售產償所坐贓崇禎初使忠毅子伏闕訟冤得申雪賜祭葬
贈蔭父母猶及見之嘗赴金陵聞父疾亟歸逆風鼓棹頃之得
順母疾須梨冬月不得攀樹悲號適遇售者人皆以為孝感所
致及父母繼歿光前亦以哀毀卒史閣部可法為之傳桐城縣志
顏從仕懷甯人與弟從心俱諸生事親至孝年六十餘母疾猶
躬自浣垢授經所得悉以佐菽水歡安慶府志

王道溥懷甯人幼孤母壽近期頤道溥與弟道達年皆七十外

孺慕不衰家不析箸者已三世安慶府志

張自孔字石門宿松廩生年十二時隨父避賊為所執賊問有

馬否自孔給曰有駒在山洞願釋父往取賊從之私與父曰父

得還兒死無恨矣賊久待不至遂引去自孔亦得脫歸江南通志

光廷瑞桐城庠生給諫時亨子也馬阮構難時亨遇害廷瑞刺

血作疏入闕訴冤樞臣黃道周為之辨白得雪授廷瑞中書舍

人未幾卒桐城縣志

吳大匡字介皇宿松人明季賊陷宿松年僅十四刃傷道左死

而復甦性孝母疾刲股和藥以進得愈與人交至老不渝鄉黨

咸欽其孝義宿松縣志

余必倫縣志太湖人幼時其父為賊所執冒刃往救賊異而

釋之性好善嘗解囊全人夫婦太湖縣志

程奎煥桐城諸生與弟諸生奎章俱至孝居喪一稟家禮葬親

龍眠山兄弟並廬墓三年桐城縣志

方穀桐城諸生父歿築廬墓側朝夕哭奠視姪如子臨終命析

產與子同桐城縣志

方大欽桐城人母疾刲股以進得愈同邑許志和刲股療父又

刲股療母復刲股療兄又陸士親龍應興皆以刲股療母聞桐城縣志

唐維典桐城廩貢母病刲股以進得愈後官淮松鹽運司同知

有政聲桐城縣志

胡德華桐城人繼母病癯三十年奉侍不懈刲股以進及卒哀

甚竟以毀卒桐城縣志

陸士條桐城人父病刲股以進同族希盛亦刲股以愈母疾桐城志

任良田桐城人家貧傭工養父父卒叩所傭家乞以身貸金約

傭三載以償遂得資斂父葬於母墳之左廬墓側晝出傭工夜

則歸廬俯泣既三年遂守廬不出桐城志

丁達桐城人明季寇至母臥病不起守之不肯逃出與賊遇被

刃墮絕蘇而歸母已被害大哭創裂斂葬畢伏墓痛哭遂卒桐城志

戴知興桐城人方七歲寇亂母攜之至廬江舅氏家廬江陷母

被賊害并焚其居知興大呼躍入火中伏母屍側而死桐城志

胡之佩桐城人寇執其父母號泣請代得釋桐城志

汪國瑞桐城人母病癰寇至縛之樹而焚其居賊去遇釋得母

骨於燼中抱之痛哭而死桐城志

周圖南桐城人年十二母卒供母主於書舍出入必告不飲酒

食肉三年如一日寇至弟與其妻皆死於賊弟一子亦被掠圖

南直入賊壘竟得之以歸桐城志

李明楫桐城廩生寇至偕兄明柱匿其母遂遇賊抱而哭賊欲

殺其兄楫以兄無子請願身就戮賊義而皆釋之桐城志

周夢麟桐城歲貢盜嘗入室獲其母請以身代盜欲刃之其魁

曰孝子也以身擁蔽而免後官長葛訓導葛人師之安慶府志

朱殿桐城人避寇山中父與弟載被執挺身呼救忽有大石自

山巔墮寇驚而去遂得免載為邑庠生嘗刲股以愈母疾桐城志

馮正陽桐城人負母入山築堡禦寇以功授守備銜偶出追賊

忽心動馳歸賊已入堡欲劫其母以招之正危急而正陽至得

全人以為孝感

桐城縣志

劉棐字君輔懷甯人翰林溥之子垂髫時聞父訃晝夜奔赴渡

河墮水逾時而出人以為孝感

懷甯縣志

容恭字益所懷甯歲貢宸濠之變恭倉卒奉父柩入山墮水身

與俱沒伏柩側數晨夕肌膚盡裂遇救獲免後仕香山知縣

懷甯縣志

尹楷字聖木桐城諸生性至孝崇禎末流賊殺其母楷與子守

母屍三日賊復至楷奮身擊賊遂被殺

一統志

陳廷選潛山人賊至母謝老不能行廷選負母匿草間為所獲

將殺其母廷選叩頭流血請代賊殺之而舍其母妻陳氏屬其

子文露曰汝善事姑墜巖死

江南通志

張清雅字玉楚潛山人崇禎丁丑張獻忠來犯清雅守父棺不

去賊入其家疑棺內藏金銀欲剖視之清雅據棺哀泣賊斷其

手仆地幼子超藝年十六號哭求代賊復斫之父子俱死而棺

得不剖老僕雲滿具兩棺斂之亦不食死

明史本傳

劉之瑄字朗生宿松庠生賊至適父病家人呼瑄出避瑄曰吾

惟死守吾父耳賊將殺其父瑄以身蔽之連受數刃死

江南通志

袁師皋字理衡宿松增生母老齒脫不能食師皋年已六十口

哺之賊至殺其母師皋奮身與鬪死事聞旌表

江南通志

萬民望字兩虛宿松諸生賊至負母而逃過於途泣告願以身

代賊殺之而賞其母

江南通志

楊士奇字伯英宿松人城陷父介八旬被執士奇出救抱父而

死同邑張瓚乙酉城破父被執瓚給以多金許身為質父得逸

去瓚遂遇害

江南通志

國朝乾隆四十一年自尹楷以下並

賜祀忠義孝弟祠勝朝殉節諸臣錄 舊志忠節 新移

戴君鼎懷甯諸生父年七十七病廢君鼎顛神乞代父夢人謂

汝有孝子當延算十齡已而果然弟婦魯早孀遺孤五人俱撫

成之年七十三卒乙酉兵叛妻宣守柩不去被害懷甯縣志 新增

胡養舒字拙夫桐城諸生崇禎戊寅流賊殺其父養舒與子某

憤欲報仇守父尸不去次日賊復至父子力鬪俱死之桐城縣志 新增

孫可榮桐城人崇禎末負母挈弟避賊深谷中食盡求草木實

以供養母病熱思石耳求諸飯甌壩巖間腰纏斷墜巖死土人

哀而瘞之題曰孫孝子冢桐城縣志 新增

方都韓字大方懷甯選貢居母喪盡禮乙酉兵叛執其父應聘

都韓與妻呂氏俱代死應聘得免都韓著有去兵議權稻議五

捷紀剿寇十三策禮經搜義門山蕊閣集懷甯縣志 新增

劉宏遠字仲馨太湖人明季之亂同弟宏進避地江西贅妻生

子聞主人欲害其弟遂棄妻子挈弟歸里太湖縣志 新增

程煥潛山人父一聘嘗刲股療母明季寇亂率眾保喬木寨為

賊所執煥負母且逃且鬪賴僕力乃脫次日尋父尸歸葬鑄佩

刀篆不共戴天字於上後為

大兵嚮導得害父者手刃之

國朝道光十六年奉

旨建坊祀忠義孝弟祠潛山縣志 新增

（此處為多欄空白或極淡文字，內容難以辨認）

重修安徽通志卷二百三十五

人物志

孝友二

安慶府

國朝張秉彝字孩之桐城人秉文弟明季諸生爲文一本經術以秉文官於外父母年老遂絕意仕進家居奉養極意承歡秉文殉難山東泣走數千里攜孤扶櫬以歸及親喪廬墓冢樹交花人稱孝感以子英貴

贈翰林學士兼禮部侍郎

諭祭葬後又

贈文華殿大學士兼禮部尚書一統志

劉世蔭懷甯諸生親歿廬墓乙酉城陷父柩厝郭外守之不去

重修安徽通志

卷二百三十五

人物志

孝友

一

安慶府

賊至欲刃之以守父柩告賊感而去者數四懷甯縣志

劉漢幟太湖人明季歲貢母卒廬墓三年入

國朝學使藍潤徵聘之堅辭不出安慶府志

方都亮懷甯諸生乙酉城陷奉母避入山母老病不能行以竹為籃與兄楚舁之而走素癯力弱雖勞不懈竟得疾卒懷甯縣志

夏繼春懷甯人流賊至祖母張為所執繼春隨父奔救俱被執

勒以金贖父念金無從出欲脫兒自畱以殉母繼春又欲畱以

脫父賊從繼春言叱其父去明日賊移營將刃張繼春抱張項

賊不能解遂殺繼春棄張去安慶府志

蔣肩之懷甯庠生乙酉城陷賊欲刃其母兄奕之以身庇母遇

害肩之遂得負母走奔入山中虎俱讓路後母疾侍奉衣不解

帶奕之子被掠變產贖歸撫如己子安慶府志

孟珩懷甯庠生兩弟俱為賊所掠冒險徒跣詭作縉夫尾賊舟

辛苦二載得之豫章歸為完娶季弟璞死婦僅二旬孤纔四月

珩養之撫之四十年如一日安慶府志

勞永蕃懷甯人生歲餘乙酉兵亂祖母抱之逃母曹氏離失永

蕃年十三誓出尋母徧歷都邑杳無音耗既而歸娶生子曰吾

有子矣遂遠行求訪歷二十年遇疾幾死慟哭而返奉大士像

茹素終身安慶府志

王國楨懷甯人父早卒母遭亂離散時方九歲號呼尋覓過於

湖邊已饑餓旬餘奄然一息乃採菱芡食之得全後又覓得其

弟病甚禱天亦獲甦安慶府志

王嗣雋懷甯人左兵陷皖父臥病不起守泣左右叱之不去賊

至索金不厭鋒刃交下父竟遇害以衛父身受三刃絕而復甦

衰經終身

安慶府志

王懷堯懷甯人年十四從母攜兩弟避賊覓食即進母飼弟自

採草葉以充飢季弟懷禹幼不能行母欲棄之懷堯不肯負之

而趨賊追及將見殺懷禹叩頭請代兄死賊義而兩釋之

懷甯縣志

汪之濟懷甯諸生乙酉城潰抗賊救父負重創子三義亦諸生

母年八十病肺臥牀未嘗一刻離逢歲試眾勸赴泣曰脫有不

測此恨可復贖耶母亡未幾亦以毀卒

懷甯縣志

汪士元懷甯諸生父病篤割股療之父卒柩停於堂賊至士元

與弟特生昇柩以奔冒矢石過賊營賊哀其義不忍傷之

懷甯縣志

方來賓桐城人年十二封股療父疾順治初撤桐邑守城兵兄

為兵誣得騾馬適他出即縛賓去及臨刑繩忽細裂將士驚訝

得釋

江南通志安慶府志

芮琛潛山人明季饑琛采蔬自食得米粟則奉父母餘分諸弟

父為賊執琛挺身出代賊義而兩釋之有族弟流亡琛為變產

贖回

潛山縣志

葉士怡潛山人奉母避寇山堡堡失守賊將殺其母叩頭求代

遂脅多金怡泣告親友鬻婢賣產贖回途復遇賊母墮巖傷足

負行百餘里得全

江南舊通志安慶府志

汪昌後潛山人明季土寇掠其家執母與弟昌後挺身出代賊

義而釋之兄弟析產推腴取瘠鄰火延燒號泣虔禱風反火熄

徐家麟潛山諸生明季負母避亂遇賊刃其項過半母哀懇得

安慶府志

釋一賊憐之為縫其頸得不死

安慶府志

田德產太湖庠生明季父母皆為賊所執將殺之德產與妻叩

頭求代賊憫其誠釋之後城陷復負母出避得脫母卒廬墓三年督學李嵩陽疏請

旌表建坊

江南通志

章于國太湖貢生城陷負母求脫不獲母赴水死哀毀絕粒者

十餘日廬墓悲泣三年猶不歸

江南通志安慶府志

方岳太湖庠生寇亂母病不能出戶岳負母避賊遷徙數月卒

免於難

安慶府志

張一忠太湖增生明季寇執其祖將殺之一忠甫七歲奔救泣

求賊憐而釋之

太湖縣志

方兆象太湖人年二十賊將殺其兄兆象泣而求代賊兩釋之

後嫂生子一月而亡象命妻分子乳乳之撫以成立亂後族多

不能自給慨然以田四十餘頃為義田以贍之

太湖縣志

金振乾宿松人寇至以母病不能去賊將並刃之振乾曰幸宥

我母且求引我門外殺莫傷母心也賊感而並釋之

安慶府志

張令奇懷甯人順治己亥海寇犯皖父應聘年八十七不能行

令奇倉卒負入龍山父卒躬具畚鍤營葬跣足雨雪中膚裂血

流見者莫不感愴

懷甯縣志

任塾字克家懷甯人乙酉城潰兵執其父將見殺塾請以身代

父兵異而釋之後成康熙丁未進士歷任儀部郎督學山左廉

聲最著

江南通志

楊昭雍懷甯諸生父病刲股療之有鬻妻以償逋者為出貲保

全之生平力學宗程朱著有猛省警言克復圖說以子汝穀貴

贈如其官

江南通志懷甯縣志

王言懷甯庠生年十八刲左股愈母父病復刲右股以進同邑

諸生丁昌禧亦以割股療父聞又葉正奕丁世昌陳錦五陳培俱割股療母蔡世衡諸生割股療母又割股療伯父母子太定亦割股療伯父江守邠兩次割股療父詹先易兩次割股療母陳光烈父病割股及卒廬墓三年安慶府志 懷甯縣志姚文鼈桐城庠生明季隨父孫棐任東陽賊許都陷城孫棐赴濠求死文鼈入水救出與義勇何德成趙鳴皋逐賊東陽獲全乾隆九年

旌表建坊祀忠孝祠

桐城縣志

程鵬峻潛山人明季寇亂攜子和孤姪士亨及族孫伯祿避寇勢不俱全遂棄子而去潛山縣志

金承蜩潛山人明季避寇虎頭寨寨破蜩適外出聞父母被擄遂冒刃詣賊營乞以身代賊脅買贏馬得贖回流離十八載身

負家譜不敢遺失

潛山縣志

方中發字有懷桐城庠生祖孔炤歸隱白鹿山中發隨侍孝養備至聞伯父以智避難追及於西江市汊舟中後以智卒於萬安水月菴又同其子中履千里奔喪護櫬以歸中履臨卒託以遺孤為撫其子正瑗教養成立又嘗捐宇建先人理學祠刊兩世遺書百卷讓產推財鄉黨咸欽孝友所著有白鹿山房集江南

通志

項慶曾桐城歲貢父病割股以進及卒廬墓三年母卒亦如之同邑諸生殷贊趙宗文廩生鄧璩又朱之絲許懋昭吳貽樵張公悅謝錫皆以割股救親聞桐城縣志

張斌桐城人母病疽禱神求代恍惚有人告之曰舐盡膿血自愈遂日夜舐之果痊居喪哀毀水漿不入口及葬廬墓三年同

邑鄧元良母疽將潰以口吮之而愈桐城縣志

楊自厚桐城人嘗隨父夜行遇虎不及避自厚奮前擊虎虎驚

去父得無恙桐城縣志

齊登桐城諸生父奇名病篤割股和藥以進及卒廬墓三年同

族齊士舉母卒終身廬墓桐城縣志

潘時迅桐城人父病兩割其股衣不解帶者七年以子士潢成

進士官東陽

贈如其官桐城縣志

左世培桐城人父文毅卒於京都世培年十四扶櫬歸值三江

口風雨驟至同舟大恐世培披髮伏棺長號風止舟泊同行賴

以無恙桐城縣志

鄧芝桐城庠生父母病篤祈神求代俱得愈後雙親卒廬墓終

身乾隆三年

旌表同邑諸生吳兆玉何士銜馬鳴鑿母卒皆以廬墓聞桐城縣志

陳彝潛山諸生事繼母極孝妻宣氏亦能謹事孀姑時稱一門

雙孝有友忤當事禍且不測彝挺身救之得免江南通志

張方爽桐城人康熙甲午副貢母病篤叩禱北辰凡四十九日

夜淚枯血出割股以進竟以是致疾而卒乾隆二年

旌表建坊桐城縣志

汪千宿松廩生早失怙事母孝好古積學凡太極西銘諸書俱

有解義舉賢良方正以母老不赴母卒廬墓三年宿松縣志

周斌桐城人父喪哀毀母目失明朝夕調護以舌舐之七年復

明撫育亡姊遺孤四人俾得成立為投產婚娶江南通志

鄧森秀桐城人年已七十居喪哀慕不異孺子家不戒於火母

直隸通志卷三十五
殞在堂伏棺號泣誓死於烈燄中俄而風反火熄幸保無虞安慶府志

濮閩中懷甯人九歲時母病目將盲以舌舐之數日復明後又病腹脹醫云須用絲瓜汁時方嚴冬求之不得閩中號泣尋覓忽於藏種中得一枚如新急取汁進得愈父病聞舒城有良醫一晝夜徒步二百里往求方及抵家兩足皆腫父母繼歿廬墓各三年自種樹於墓旁今名孝子林乾隆四十六年

旌表建坊懷甯縣志

盛應魁懷甯人年十二母病篤三割股煎湯進之以孝行

旌表建坊懷甯縣志

彭玉明懷甯人幼為伯母黃所養黃病篤斷指和羹以進得愈懷甯縣志

姚士贊桐城人康熙庚午舉人母病割股以進不瘳呼搶踰躄臂血迸出父文焱以補官卒於京徒步數百里迎喪歸哀感行路嘗客吳有鬻妻還逋者出資全之家居買山數處掩瘞枯骨雍正十三年

旌表建坊江南通志

吳而強桐城庠生母病走數百里求醫不愈割股以進又不愈乃每夜焚香禮斗願減己算以增母壽得痊又嘗為鬻妻者完官稅全其夫婦乾隆二年

旌表建坊安慶府志

左藻字子畏桐城人康熙癸酉舉人授內閣中書性至孝凡建橋梁購義冢皆承父志為之及父卒哀毀廬墓三年乾隆四年

旌表建坊祀鄉賢桐城縣志

重修安慶通志卷三十五 人物志 孝友 七 安慶府

張玉章宿松歲貢少失恃仲兄撫育之兄病割股和藥以進得愈又孝事繼母母患痢躬滌垢污盛夏不倦安慶府志

王淑桐城諸生母病劇割股以愈之者再友愛其弟終身不析

居著有左傳行注涵圃詩集桐城縣志

劉日曜桐城人母歿時年已七十猶作孺子泣廬墓三年江南通志

張孔綱桐城諸生嘗隨父暮行有虎突至孔綱以身當父前虎熟視而去母病求醫路遇異人授以一草問之曰吾丁姓持歸服之果立愈今名其草為丁公藤云乾隆十一年

旌表建坊卒年九十子均亦有孝行喜為善有父風桐城縣志

姚文勳桐城拔貢例可即授官以父母春秋高不仕撫孤姪士

璽士至及孤甥方曾祐等悉心教養俱得成立卒年八十二祀

鄉賢安慶府志

左之琮桐城人讀書山中忽心動亟歸母方有疾正念之而琮已至人咸以為異江南通志

周天鳳字羽長桐城諸生少失怙事母孝從兄死二子俱幼捐

己屋及產以與之族子藻無依有如己子經紀其衣食婚娶俾

得成立江南通志

都先覺桐城諸生父母有疾衣不解帶家貧投經於外父母所

欲必力致之色偶不憚長跪終日俟其顏霽而後起里中推為

純孝江南通志

胡全修字敏求宿松諸生性極孝母病禱天願以身代割股和

藥以進得愈生平慷慨遇事排解鄉里倚以為重宿松縣志

江萬里桐城諸生性孝友析產推腴取瘠後三兄家皆落仍以

己產與兄子其之歲饑嘗捐米數百石助賑里中稱篤行君子

江南通志

汪應星桐城人母患目疾朝夕以舌舐之得復明桐城縣志

張若霖字巖舉相國英冢孫年十一母卒哀毀骨立尤善承繼

母歡與弟需相友愛需歷任浙東粵西每寄書必戒以官箴勸

以祖訓遇水旱力為倡賑全活無算既卒鄉人思之多流涕者

江南通志

陳龍愷桐城人父病嘗糞冬夜思魚即往水濱求而得之弟家

落割己產以助又拾遺金守而還其人桐城縣志

方正珖桐城庠生其兄嘗以事牽連被逮入京正珖負囊相隨

周旋縲紲中水火不避及冤白出獄珖已鬚髮皓然矣竟以客

死桐城縣志

方正瑋桐城人童子時母病割股進得愈桐城縣志

方式濟字渥源桐城人康熙己丑進士需次中書舍人櫻家難侍兩尊人出關躬自炙炕莖荆榛風雪中後以子觀承貴

贈如其官嘗與族弟薪傳同客外薪傳病疫人不敢近式濟獨抱持同

臥竟得愈桐城縣志

姚孔欽桐城人僑居李家河夜忽水發倉皇負母走誤上小洲

四面水至抱母長號陡有大樹一株自上而下止於洲傍斜絕

水勢遂得免人以爲孝感桐城縣志

方根機字省度桐城諸生幼事母極孝其兄安溪卒於江西任

所根機馳往經紀其喪來往數千里攜二幼姪歸撫之成立後

其姪以命案株連傾資救之家道遂落泊如也居平惟以詩歌

自娛鄉里化之桐城縣志

楊廷驥桐城庠生母卒廬墓竟卒於廬所桐城縣志

方承策桐城諸生父病瀕死兩割股以愈之桐城縣志

劉士義潛山人母病割肝療之父卒廬墓三年雍正九年

旌表建坊江南通志

姚孔鈺桐城人康熙己卯舉人以母老不上公車孝養不離仲弟牧滄州積逋數千破產代償著有紀元大略一卷雍正十一年

旌表建坊江南通志

張恭桐城人出嗣季父曲盡孝道父歿水漿不入口者三日族有不能婚葬者割己產為義田以贍之嘗過金斗有客以賊攫其金將投水傾囊償之得歸家雍正十一年

旌表建坊江南通志

張永錫桐城人性孝既鰥不再娶同父寢處父病需蘆根徒步

往返百餘里一日而取以進父歿不出戶每剃髮命其子藏之

曰此受之父母者江南通志

張純字吾未永錫子也嘗以親病夜入山中求藥虎踞於前過之不顧所居曰苦竹山房工篆刻喜為竹章人爭購之以此備甘旨親歿遊於淮上歸而山房毀於蛟漂其父柩泣血求之數年不得奉其遺髮葬之名曰髮冢桐城縣志

黃德音潛山諸生年十八負母避寇一夜行七十里母卒年已

六十猶廬墓病危不解衰絰安慶府志

陳廷機潛山人父疾刲股得愈後出遊弟四人皆後母出並遭疫死暴屍於野機歸刺血認骨以葬順治初有賊踞山寨廷機奉操撫檄招撫賊感悟降合邑賴之安慶府志

吳旭太湖庠生父疾醫不能治乃泣曰吾固知毀體非孝然計

無復之矣遂割股以進得愈同邑李如膺母疾割股救之得愈

又馬一鵬年十二父病割臂以進得延月餘安慶府志 太湖縣志

汪世奕潛山人八歲喪父哀毀骨立事繼母極孝叔伯恆省試

覆舟奕扶櫬歸里經紀其喪江南舊志

劉餘第潛山人年十三父母俱喪結廬墓傍日夜泣血慘動路

人病垂危猶不止安慶府志

汪亮工潛山人父病割股救之得愈嘗遇水災僱舟給米救人

甚夥同邑諸生儲芳性父病兩次割股救之又廩生桂道榮與

弟庠生道南皆割股療父汪文良華義旗俱割股療母潛山縣志

王朝佳望江人年十三母病割股以進不愈又割股進之母立

起安慶府志

湯惟義望江人母病割股以進得愈同邑舒玫亦割股愈親人

並稱之安慶府志

楊恆先懷甯人事父母孝母卒呼搶幾絕比葬廬墓哀毀成疾

而卒同邑甘印符父歿廬墓荒山鬼物侵之不為動又諸生劉

前彬父母卒俱廬墓三年又江瑜朱世伍父母卒俱廬墓三年

又何纘先徐芳遠貢生李核諸生范建機歲貢程從大皆以親

歿廬墓聞安慶府志 懷甯縣志

李進茂懷甯諸生父病痔癰同弟殿揚日遞吮之及卒廬墓三

年懷甯縣志

蘇大本懷甯人父歿厝於龍山守墓三年蛟水陡發抱棺號慟

誓死不離俄旁決小港水他徙父柩得無恙懷甯縣志

儲聰潛山人母卒水漿不入口者七日比葬廬墓三年同邑汪

畱芳母歿築室墓傍三年又庠生周芳世父歿守墓三載潛山縣志

王朝蕃太湖歲貢父卒廬墓三年嘗還遺金救投繯全醫妻義事甚眾同邑諸生馬繩先三歲失母追思不置結茅墓側三年又善事繼母兄卒撫姪如子盡推腴產與之安慶府志

汪必正太湖增生父母歿俱廬墓三年子姪奉其訓同居不析箸同邑何士泰徐廷珂皆親歿廬墓士泰友愛異母二弟廷珂撫孤姪成立皆見稱於鄉里安慶府志 太湖縣志

葉隆柱太湖庠生幼繼伯父為嗣侍嫡母疾數十年不懈父歿異母弟三撫之成立好施與嘗捐金造橋建亭施茶善行甚夥太湖縣志

章美太湖諸生父卒昇柩出葬猝遇寇眾逃散美哀告賊請歸父骸於土即就刃寇憐而釋之母卒廬墓三年安慶府志章燦太湖諸生康熙戊辰楚有夏賊之警闔城懼匿燦獨侍父

疾父歿號呼時援兵分住民家聞哭哀甚不入其門又嘗急難以救人死贈金以完人婚姻云安慶府志

何式朝桐城人以明經考授州同知隨父之山陽學署河督于成龍保畱河工迨父引疾歸式朝不忍離亦回籍終養遂絕意進取父卒廬墓三年終身不入城市桐城縣志

方元醜字寄巢桐城人與兄元履齊名雍正己酉貢禮部不第佐戴寅知定南及富德巡撫河南寶瑛巡察順永皆在幕府多所匡助敬養寡姊友兄瞻弟為兄子立後營祀田植松楸著寄巢詩文集數十卷劉大槐撰墓誌 新增

嚴紳字朋韭桐城監生州判生而跪乳母劉氏目瞽紳朝夕舐之復明康熙甲午歲祲計口賑米復買山以瘞枯骨劉大槐文集 新增

張廷琳桐城人候選州同知乾隆四年以孝行

旌表建坊 桐城縣志

胡其讓桐城人繼母卒廬墓三年鄉人嘗見有黑虎來寢廬傍

乾隆六年

旌表建坊 桐城縣志

王必凍桐城人年十二母病篤再割股進不愈及卒守墓二年

一日忽謂其從兄曰吾將於某日從母地下矣埋余母側可也

至期果卒 桐城縣志

許青芝桐城增生母病割股進得愈踰時父病又割股進亦得

愈同邑庠生吳銳諸生趙宗儀母疾割股得愈又吳詒鵬楊成

章方殿甌方文藻唐文萃陳式盛皆以割股救親聞 桐城縣志

錢雲鳳桐城人七世同居家百餘口慈孝友恭怡怡如也乾隆

十年

旌表建坊 桐城縣志

楊有玉桐城人生八子同居六世至百四十七人以居隘不得

已析著舉家號泣數日不忍離鄉里稱為義門 桐城縣志

許霖桐城人母病與妻唐氏同割股進得愈踰年病又同割股

進亦得愈後霖病唐與子鳴飛鳴喈鳴岐割股療之唐病三子

亦割股療之一女歸視母病亦割股以進人謂一門純孝 桐城縣志

方玉麟桐城人父得偏枯疾割股以進立愈母櫻氣疾瀕死亦

割股以進得蘇 桐城縣志

余銓字子衡太湖庠生幼失怙恃哀毀如成人事繼母孝析產

後兄業替凡三出己產均之 太湖縣志

胡其愛桐城人家貧傭工養母每出傭以蔬米託鄰媪代炊必

叩首而後行母痼疾而好觀劇村鄰演戲負母往俟畢負歸巾

裙穢皆手滌之三十年如一日母卒負土成墳即墳旁挂片席

以居感傷成疾而死同里劉大樾為之傳又潘元生者偶出而

室遇火母不得出元生奮身入冒火負母出頭面焦爛母子幸

得無恙大樾附之其愛傳後

桐城縣志

吳國紱桐城人年十六父卒廬墓三年母卒亦如之既析爨季

弟家落乃復合之

桐城縣志

周安樂桐城人兩親繼歿廬墓六年同邑副貢程馨諸生張元

黻皆以廬墓三年聞

桐城縣志

吳生菖桐城庠生七歲時父客京師轉客山左書問斷絕者十

餘年弟生菑聞父所在往尋留侍又一紀而未有歸計生菖在

家授徒供母菽水一夕夢父大哭而醒即辭館往尋數月得達

乃奉父攜弟歸生菑亦孝友與兄同志生子詒澧生菖訓之得

領鄉薦

桐城縣志

陳世德懷甯人母病疽醫不能治以口吮之而瘥年四十妻亡

不娶設榻母側者十餘年

懷甯縣志

程宗品潛山人母病目翳以舌舐之而愈及卒一慟幾絕戚屬

以大事勸乃強起支持含斂延至七日卒長號嘔血而終

潛山縣志

姚正旺太湖人父歿廬墓母卒亦如之兄病目瞽起居沐浴便

溺皆親自扶持

太湖縣志

汪大案潛山增生事繼母孝父中和卒於廣陵官署大案哀毀

扶櫬歸皖俗客死者喪不入室力排眾議迎柩中堂成禮

潛山縣志

馬源字伯逢桐城歲貢官鳳陽教諭以母老辭歸母歿源已六

十矣泣血三年幾至滅性及葬廬於墓側哀感行路性又好施

康熙時連饑輒捐賑為同人倡鄉里德之

桐城縣志

劉效愷望江人康熙己酉舉人母疾嘗藥滌穢衣不解帶者經年母歿哀毀廬墓三載

安慶府志

吳宗宸望江歲貢父病督侍養五十年不暫離父母繼卒營地合葬廬墓三年同邑劉肅瞻曹履吉王明皆以親歿廬墓聞

望江縣志

吳周秀望江人母歿廬墓三年父歿復廬墓時年已六十子處荒邱蛇虎遶其廬不少動

望江縣志

阮世恩字聿修桐城人初婚時值母病即晝夜侍奉母愈而後入室兄世忠病危恩陰為疏禱神求代遂得嘔血疾而忠果愈

踰年忠又病於他邑恩五往返探視輿之歸刺血書前詞徧禱忠愈而恩竟以嘔血卒

桐城縣志

范家芳望江庠生父病思棗不得塾中有一枯棗樹泣而祝之

忽得棗實人咸異之父母繼卒廬墓三年哀號不已

望江縣志

朱璐望江人父病篤割股以進竟不起母虞氏以烈殉璐居二喪哀毀骨立每聞人言及其母輒哭泣不能止

望江縣志

吳詠樹桐城諸生嘉慶元年舉孝廉方正治家有法同爨者百三十八人每食男女以班一味必共勤於耕織斗粟尺布貯之

桐城縣志

公所毫不自私宅有二桑鳩鵲同巢無爭聲

懷甯縣志

汪彥懿潛山人五世同居率子弟以禮

潛山縣志

汪彥健潛山人五世同居食指數百無閒言人稱義門同邑聶盛利兄弟六人同居無閒言雍正三年捐穀助賑

潛山縣志

吳如春桐城庠生友愛諸弟百口同爨從無閒言

桐城縣志

儲賢灝潛山人兄弟七人同居四世合家二百餘人無閒言族有孤貧鞠之二十餘年婚教成人凡修路施觀善行不一

潛山縣志

王瑞太湖庠生父病刲股以進得愈

太湖縣志

童源懷甯人年十六隨父入城應童子試歸過野螺橋父失足

墮水源奮身入救父得起而力竭沈深處父呼救無及矣

安慶府志

汪華鳳懷甯人家罹火災焚至母榻前鳳急赴烈燄中救母出

徧體火傷越一日死

安慶府志

檀之耀望江庠生從父遊於東粵阿舟經高要之筍筒岡突遇

暴客之耀以身翼父奮與賊鬪父乃獲免之耀死焉德慶知州

於其地鐫石紀其事

安慶府志

張俊臣太湖諸生祖士遴有弟士迅童時為賊掠去四十年不

知存亡後於京邸寓書歷述艱苦遴省書流涕自傷不能往迎

俊臣時年十六慷慨赴都迎以完聚乾隆三年

旌表建坊

太湖縣志

呂又賢太湖人與弟又良友愛子孫百餘人五世同居乾隆四年並

旌表建坊

太湖縣志

王士盈太湖人事父與繼母孝居喪哀毀鬻產營葬廬墓三年

乾隆四年

旌表建坊

太湖縣志

章紹選太湖人母疾禱天求代採藥司空山不憚危險父出遠

買紹選往尋遇風舟覆幸不死卒迎父歸父母繼歿哀毀骨立

竟成錮疾卒乾隆四年

旌表建坊

太湖縣志

朱貴森太湖庠生七歲父病即知嘗藥十歲居喪哀毀如成人
奉事生母嫡母孝敬如一兄早卒撫姪如子以治喪營葬積勞
成疾將卒服猶未闋囑家人以喪服斂乾隆四年

旌表建坊

太湖縣志

李之宗太湖人考授經歷事繼母孝撫孤姪如子又建宗祠置
義田助婚喪善行甚多乾隆五年

旌表建坊

太湖縣志

朋世蒿太湖人五歲讀有子孝弟章即詢師以大義及長能色
養父疾禱天求代藥必親嘗服侍不解衣帶居喪哀毀廬墓五
年乾隆五年

旌表建坊

太湖縣志

余道謙潛山人乾隆甲寅舉人以母老不赴禮部試母徐卒年

九十餘道謙與兄荆彝廬墓三年後官英山訓導聞兄病乞歸

兄卒逾年亦卒

潛山縣志

張必升太湖貢生事母極孝年六十定省依依如孺子慕母病
思食鮮魚時市無售者自往龍潭求之徘徊間忽有生魚躍岸
取歸進母得愈後官太和訓導乞養歸居喪廬墓以孝行

旌表建坊

太湖縣志

吳德亨宿松庠生母疾日夕祈禱願減算以益母及卒哀毀廬
墓會大雨水漲漂沒廬舍亨抱母棺浮沈巨浸中數十里幸無
恙乾隆五年

旌表建坊

宿松縣志

江可遂桐城諸生性孝友施濟無倦咸體親志弟有光早逝子
在襁褓撫之成立教養一如己子乾隆六年

旌表建坊

桐城縣志

石硤宿松人父為盜劫硤已逸出復入救父盜以火熾硤膚焦髮禿死而復蘇嘗隨父過龍湖父失足墮水硤躍入負父出遇救得免赴院試遇一婦投水詢之乃夫欲鬻以償逋遂傾囊濟之全其夫婦乾隆九年

旌表建坊

安慶府志 宿松縣志

查正榮太湖諸生少失怙母遺腹生弟嘗攜之掃父墓弟失足溺水急投水抱弟遇救俱蘇家罹火災烈燄中負母以出太湖縣志齊驄桐城人嘗與弟同客海南弟疾篤驄不解衣帶者數月弟歿護櫬歸里舟遇風號泣籲天風息舟定人以為至性所感云

桐城縣志

江國安望江人事親孝乾隆己卯大水慮親柩將漂繫之樹既

而水至亟往視之繩斷棺浮國安援棺被溺家人覓屍不獲水定屍抱棺逆流而上勃勃如生望江縣志

王最桐城增生十歲時母患血疾日向醫泣請醫戲之曰飲其血可愈最即以口承其血而飲之疾果起同里有重其才品聘之入都者皆以親老辭乾隆六十年

旌表建坊

桐城縣志

吳尚望江庠生父病篤刲股以進得愈同邑吳承韻三次刲股療母葉奕刲股療母汪承謨兩次刲股療祖母李尚燮刲股療所後父望江縣志

童賢墳望江人母病刲股救愈嘗拾遺金三十兩還其人望江縣志添喜望江諸生陳易之僕易病添喜刲股以進得愈望江縣志 按此當

入義行舊誤未及更正

唐維純桐城人父卒守墓露立風雨中五日母疾求瓜時不得
維純往荒園中且泣且覓竟得瓜以歸嘉慶初

旌表建坊

桐城縣志

江本宗懷甯人母疾刲股以進及卒廬墓麻衣草屨三年不薙
髮嘉慶七年

旌表建坊

懷甯縣志

李聲溢太湖拔貢成童時母猝得心疾刲股進之得愈既長以
明經授州判需次京師聞父病馳歸目不交睫者十數晝夜抵
家父已健母疾忽作醫藥罔效聲溢籲天請代一夜方露禱母
恍惚聞有人呼孝子者再奄睡去家人誤以為屬續也奔告之
急踊至榻前一慟而絕母竟霍然愈
太湖縣志
陳生棟懷甯人本姓許陳氏母繼以為子母患怔忡生棟侍左

右咳嗽步履不敢有聲嘗隨陳父渡銅陵江風濤大作陳度不
免呼生棟游涌逃坐棟泣曰烏有瀕危而棄親求活者耶負陳
出舟距岸數丈連躍而登俄頃舟沒後陳夫婦歿喪葬盡禮又
為本生父母追服三年嘉慶十二年

旌表建坊

懷甯縣志

劉鳳麟懷甯人傭工養母母病刲股以進及卒廬墓三年嘉慶
四年

旌表建坊

懷甯縣志

葛護成潛山人父病刲股以進事繼母孝母失明嘗負至陝西
往返歷六千餘里及卒廬墓母性畏雷聞雷聲輒遶墓哀泣
潛山縣志

縣志

張紹泉潛山人母患目甚楚割肝和藥飲之得愈紹泉創亦無
恙

善

潛山縣志

章典太湖人父病默禱願以身代居喪廬墓虎至不驚嘗有寄金一篋者其人死召其子還之後以諸生保舉孝廉方正辭徵

不仕

太湖縣志

雷之榮字可受太湖人乾隆甲午舉人與弟庠生之求俱以孝友稱之榮晚知大田縣到任未幾聞母訃慟而卒之求居喪廬墓纂注喪服要覽手錄喪禮或問士林咸推重之

太湖縣志

徐訓一潛山諸生山水漂其母柩訓一年七十餘徒跣日數十里夜臥大澤見流螢成團疑有異撥沙得一足褶衣黃色母斂時所服也抱之號泣有人告以前樹下有屍缺足奔視果其母惟脫頤下骨載歸將改斂有持頤骨來者合之良是急索其人

不見咸以為神

潛山縣志

王宜相潛山人父卒廬墓母患目失明以舌舐之得復明至今人過其廬皆曰王孝子家

潛山縣志

郝正纁懷甯人兄年五十無子欲以正纁次子為嗣正纁勸之置妾兄嫂俱不欲迺為連買二女納之得一子兄嫂繼歿撫如己子子姪八十餘口四世同居鄉里稱之

懷甯縣志

劉維迴號丹溪太湖增廣生幼讀孝經輒掩卷流涕及父母歿泣血哀毀喪葬居廬皆如古禮嘗注孝經本義一書受業士李長森欲以付梓泣然曰撫心抱歎其可以問世乎所著有貽經

堂文集

太湖縣志

章樞太湖庠生母先卒樞侍父與同臥起十餘年及父卒泣血廬墓哀動行人

太湖縣志

李道湖懷甯人力農事母冬寒母易衣必溫以進夜臥亦必先

溫被母疾凡三割股療之

懷甯縣志

翁壯猷懷甯人少入武庠父勿喜臨卒執其手曰吾以汝為能讀書繼志今已矣因大感慟即苦次且泣且讀服闋陳情學使復入文庠繼母暑月疽生於胸與弟大猷遞吮痰穢遂瘥初大父以其家孫授產千金盡以均諸弟不自私

懷甯縣志

史永芳望江諸生母病割股及卒終身哀慕事之如生

望江縣志

余琢望江諸生幼失怙哀痛如成人事母孝母卒結廬墓傍每雷電風雨必告曰兒在此中夜鬼嘯於前虎踞於側不少動三年始歸

望江縣志

疏士悅桐城人嘉慶二十五年以孝行

旌表建坊

舊志

周啟國桐城人母卒廬墓三年道光二年以孝行

旌表建坊

舊志

江謨桐城人道光四年以孝行

旌表建坊

舊志

唐肫字錢雨桐城庠生年十四出就外傳聞父病夜歸無渡即徒涉麻溪大河幸得不溺入門父已卒撫屍一慟幾絕母患頭疾有言鮮白槿花可治泣禱土神得一枝於籬下遂愈母後病甚刺血寫疏禱神求代母瘳而肫果以次日死

桐城縣志

葉鼎三太湖人幼喪母侍父寢食者三十餘年父病割股以進

及卒廬墓三年有虎夜伏廬外不為害

太湖縣志

葉文江桐城人父歿守墓七載道光五年以孝行

旌表

舊志

韋鏡太湖庠生九齡失恃隨父寢食後雖有室侍寢無聞父卒

重修安徽通志

卷三十三

人物志

孝友

三

安慶府

廬墓三年兄出嗣伯後遺產必與均分弟旭性友愛惟鏡言是

從太湖縣志

李孔啟桐城人幼失怙事母極孝嘗濟困扶顛睦族邨鄰皆曲體親意為之道光六年以孝行

旌表舊志

周家祿太湖人年十二隨父之鄱陽遇盜索金不得欲殺其父家祿抱哭求代盜憐其幼得釋父病醫藥親嘗服侍不懈日夜禱天乞以身代道光六年以孝行

旌表太湖縣志

李長慶字壽朋太湖增廣生年十一出嗣伯父嗣父早卒事母劉如所生劉病篤籲天求代及卒哀痛迫切嘔血數升弟長森歷任各省皆資襄贊嘗以事為弟自閩入都十八日晝夜馳六

千里其篤友愛如此太湖縣志

張平願桐城庠生母病目盲和藥舐之得愈又唐虞者刲股救

父得愈母病日舐之亦復明桐城縣志

劉子純桐城人母病刲股進得愈里有鬻妻者為出金全其夫

婦後母復病子純不勝憂懼及母愈而已竟以嘔血卒桐城縣志

吳湖雲桐城庠生父客臺灣往省視甫至數日而父卒扶櫬渡

海颶風大作湖雲伏棺長號請以身代遂躍入水忽有一木浮

之而起風平舟定一舟慶更生皆以為至孝所感桐城縣志

哈增壽懷甯人手足拘攣行乞養母自忍饑寒積錢為母製衣

得酒食奉母槃跚歌舞以娛之中西聞見錄李善蘭

孫佑標姚興瀾俱桐城人道光年

旌表孝子科鈔

重修安徽通志

卷三十三

人物志

孝友

七

安慶府

蔣勸杜文瑞增生王承斌俱桐城人道光年以孝行

旌表 鈔科

程煥潛山人辭官奉母道光年

旌表孝子 鈔科

李成喬太湖人道光年以孝行

旌表 鈔科

方友信方際明胡來庭張自孔陳表俱宿松人道光年

旌表孝子 鈔科

錢有達懷甯人侍母疾嘗糞助鬻女者金令歸原聘

趙鎔桐城人遭父母喪六年不入內寢資財為兄得而喪葬費

悉館任之

徐模字馥園宿松歲貢舉孝廉方正事親色養無間居喪哀毀

敬事兩兄親睦宗族倡立同願局施藥施棺總督孫玉庭給敦

行不怠額

劉掄才懷甯監生年十四母病劇禱神刲股和藥而愈

丁振緒桐城人母病兩次刲股託言鹿脯作羹以進母病立瘳

余若登潛山人年十二侍父病三月不懈以刲股獲痊又彭賢

侃程珠玉汪體健俱父病刲股

黃經傳潛山人母疾篤偕妻朱氏刲股療之又農人程能宏諸

生余焯俱刲股療母

石文英宿松人父病刲股療之愈同縣庠生柴箕刲股療母監

生黃視灼童年父病刲股以療視灼之孫監生思梅亦母病刲

股思梅之子旭明母病割股和藥者三次又劉其才兩次刲股

療親

宿松縣志

周道望江舉人割股療母疾獲愈又曹盛和吳志全俱割股療

父汪瑞風母病割股進之旋愈

望江縣志

王鴻恩字鳳馳懷甯武生兼能詩文督學朱筠試古學第一尤

篤孝義割股以療母病出資保養婦節贍養終身

懷甯縣志

馬為範字德才桐城人少孤傭工養母母病篤為範潛以刀披

胸割肝以療暈絕家人奔救敷其創母愈而為範亦無恙及母

卒為範尋歿

桐城縣志

方松字春森桐城人從九品博聞敦行割股以療父讓產於兄

訓子以理學族戚故舊貧乏者必周恤之

桐城縣志

蘇惇元撰誌銘

施周字在干桐城監生繼母病割股和藥以療及卒寢於柩側

三年又吳既方割股療母

桐城縣志

劉開吉太湖人年十五父病禱以身代母病割股和藥獲愈年

六十猶為溫衾滌滌

太湖縣志

陳東明桐城人少孤貧母病痿夜常數起東明坐臥牀下十餘

年屢次割股以療及歿廬墓三年

桐城縣志

汪和鈞監生吳范文從九品俱潛山人父母歿各廬墓三年又

余春耀父病革焚香祝代兩次割股以救及歿廬墓三年孫敏

學母歿廬墓三年

潛山縣志

韋紹昇紹昭紹晟俱太湖監生父歿均廬墓五年母章病疫感

夢得司空山長春籐而愈遵親命捐數百金修楓香嶺路兄弟

自幼相友愛同爨六十年明堂山田最腴析產時互相推讓今

土人名其地為韋氏讓田焉紹晟病子宗杞割股進藥

太湖縣志

韋宗禹太湖庠生馬大忠太湖監生均割股療父疾親歿廬墓

又庠生程拔封股療母廬墓三年增生阮尊監生劉承任吳彊

汪國光章正岳廬父母墓均各三年農人殷毓連廬父母墓七

年庠生朱斯煌廬父母墓各九年劉克濟廬墓十三年章宗禹

吳彊朱斯煌均有出資完人夫婦事太湖縣志

方維新宿松人父病兩次封股和藥父歿廬墓三年母卒時新

年已六十率子孫哭墓不輟宿松縣志

何先潔望江人廬父墓三年又龍桓廬母墓三年望江縣志

王知琢宿松人幼喜讀孝經母卒廬墓父歿亦如之當居廬時

哀古孝行七百餘人為書二卷宿松縣志

胡昌琦太湖庠生少孤事母孝及母歿廬墓三年又附貢朱應

祚父歿哀毀絕粒數日既葬廬墓母歿亦如之里有溺女者出

金收養太湖縣志

唐勝萬桐城人家貧純孝父歿夜宿墓側日出力作養母邑人

錢彝訪其墓廬贈詩而去桐城縣志

吳配彩懷甯人父歿哀毀喪明母年七十餘貧極無以為養乃

行乞於市日以炷香哭父墓數十年又誦宜懃咸豐十年髮賊

踞城掘棺以爨宜懃聞賊將掘父墓奔救被執泣訴之賊感其

孝乃免懷甯縣志

馬光志字道存懷甯人父客死光志千里奔喪母歿廬墓三年

奉

旨旌表懷甯縣志

王千有桐城人父館休甯橫院歿葬館舍傍千有奉母佃祁門

每省父墓輒流涕母歿廬墓側哀毀終身桐城縣志

張錦潛山附生張鉞潛山廩生兄弟共廬父墓晝夜哀泣鉞得

寒疾以歿著有崇正類編四十卷

潛山縣志

楊德中字芑泉宿松歲貢父目失明德中日舐之家貧授徒山

中念父老病輟講席伴寢處十餘年居喪不作佛事道光十七

年

旌表

宿松縣志 汪桂月文集

丁德輔字翊臣桐城人父患肺癰德輔一日夜行二百里乞藥

獲痊及居喪廬墓六年道光十八年

旌表

桐城縣志 方誠柏堂文集

儲枝柏潛山人布經歷銜繼母患疽閱七月枝柏與妻王氏日

夜吮膿未嘗離側

潛山縣志

蔣大橋字立峯太湖人州同父患癱瘓扶掖數年母病癱與妻

李氏迭吮之承父志捐建家廟享堂置祭田又舉人周於義父

病癱吮之

太湖縣志

方士瑜宿松人母瞽又手足病瘍士瑜舐母目滌瘍血妻朱氏

佐夫事姑出入負行均三十年如一日士瑜卒後至同治八年

以孝子孝婦

旌表

宿松縣志

趙大克宿松農人母病廢起動需人大克身任之雖農忙必按

時歸家服侍垂四十年不衰

宿松縣志

張熊飛宿松武生幼時父遠客無耗里人有遇之貴州天柱縣

者歸語熊飛白母乞食往黔備歷艱苦奉父而歸

宿松縣志

都起豐字懷友桐城人周晬時父遊陝西客死五歲母亡及長

傭力三十餘年徒步達陝覓父骨以歸時叔祖暨伯叔諸父歿

於陝者凡八人越數年復入陝舉八柩歸葬並攜族孫返為娶

直參安徵通志

卷三十三

人物志

孝友

三

安慶府

妻生子先是起豐少孤不知祖墓所在及是傭於某山下訪求一年乃得之買田置祀廣其界焉桐城縣志

吳國祿太湖監生母病侍牀蓐數年諸兒早逝撫孤姪同居並迎寡姊孤甥育於家經紀其婚喪建家塾置義田太湖縣志

方其明桐城寡人子乞食養母母癯老其明每負之行母歿乃為人傭得溫飽輒思母而泣方宗誠柏堂文集

方聞字伯言桐城人東樹子也母患痺疾輾轉衾褥間日夕侍側凡十餘年著有抱獨山人詩集桐城縣志

吳厚培桐城人母瞽久病侍奉不懈家貧傭力織布得飲食以奉母夏則揮扇冬則解衣溫母手足終身如一日桐城縣志

吳琇桐城監生繼母病三年未嘗安寢撫兄弟孤幼如子鄰人鬻妻捐金完之桐城縣志

崔家綿潛山侑生誠篤盡孝親病號泣顙天願減壽以益親算未幾親痊而家綿卒潛山縣志

劉福潛宿松人舟行父墮水福潛投身水中挽父漂流十餘里抵淺汀俱得生又陳炳培山水暴漲時奮身急流救父得生炳培力竭死宿松縣志

程可龍潛山人大水突至祖被沖至中流可龍棄子水中挽祖登岸子亦無恙潛山縣志

陶聯元桐城人耕廬江父歿厝黃山下咸豐戊午蛟水漂父棺聯元往救殉焉浮尸至高橋仍兩手抱棺眾為瘞於桃樹凹桐城縣志

陳大賓桐城人幼孤習縫工以養繼母母歿所居火呼救不及身覆棺上俄而火息既葬廬墓十餘年桐城縣志

鄭連字韓浦桐城人縣主簿父殯東鄰火屋焚連匍匐伏父柩
不去已而回風滅火獲全咸豐三年城陷罵賊死蒙

恩卹

桐城縣志
馬樹華文集

楊盛徵李今成嵇萬彩嵇萬富韓上賢何書美蔣修富俱懷甯
人均救父鬪賊殉難文生汪元振救父得免而已死之又胡元

熾救兄何振先救弟俱被害

懷甯縣志

張靈敏懷甯人賊至侍父不去被害又丁宏魁汪執廷江慶堂

黃松盛程道全程虞富嵇登本嵇登名蔣修道附生裴鼎俱護

母被害從九品陳孔鑄守父柩不去孫文志守母柩不去俱被

害

懷甯縣志

張聰登字從之桐城人訓導咸豐三年桐城陷聰登負父骸走

匿深山母卒營葬以哀毀歿

桐城縣志

方曜字東泰桐城人刲股救祖母疾咸豐三年遇賊被害又是
年方性連負母出避遇賊母子俱被害曜性連均蒙

旌卹

桐城縣志

姚壽春桐城人父卒權厝北郭咸豐八年賊擾桐城壽春懼焚

親柩負土掩之被執不屈死

桐城縣志

錢強士桐城人咸豐九年負母避難賊追及之俱被害

桐城縣志

汪雲路太湖監生救兄鬪賊而死兄得免

太湖縣志

方宗建字立三桐城人兄惟一資送軍糧團練鄉勇咸豐七年

官兵潰賊索惟一急宗建請兄遠避己代往死之事聞

旌卹

桐城縣志

王靖左樹德劉桂枝俱桐城人靖母歿父存夜視寢後趨宿母
墓風雨無閉者三載咸豐九年父被賊所得靖挺身求代而免

父卒又廬墓三年樹德襁褓知讓長孝二親廬墓數載寇至不去賊憐其孝賙以錢米不受桂枝少孤傭耕養母母歿廬墓三年均於同治年

旌表 方宗誠柏堂文集

程二朋潛山人祖被賊擄二朋時年十二隨至賊所號泣求免

夜縱祖逸賊覺殺之 潛山縣志

仰思謙潛山人父病風起居必親負賊至執思謙閉諸室思謙

以頭撞壁呼父賊給以父死遂大哭罵賊支解之又劉春桂儲

玉田儲英才方全保俱護親遇害均蒙

旌卹汪國榮戴德順石憲章儲枝駟儲枝冬鄭維川同弟金林均以遇

賊護親死 潛山縣志

余光楷徐兆縉俱潛山人親歿未殯賊至守棺不去被害 潛山縣志

盧木林潛山人父被賊執木林年十三持挺擊賊被害又儲光

蔡奉親避難遇賊屬弟護父母出已率眾鬪死 潛山縣志

王啟元潛山人母歿泣血三年父被賊執啟元從之旬日不捨

賊感而釋之又諸生儲良旦母被賊執泣代得免 潛山縣志

王進太湖人年十三父子遇賊脅降進曰釋父則相從父既免

進罵賊死之又李大平聶世泰袁兆榮呂儒珍路道凡均以護

母被戕朱煥盈父旭初被擄求以身代賊並殺之 太湖縣志

唐光潤宿松人年十三母患癰數吮得愈年十七父病割股糴

羹湯進之既冠隨父自關中歸遇盜將刃其父光潤給以重資

在後願釋父畱己為質父脫而重資無至者遂遇害 宿松縣志

舒珍懷甯人少孤事母以孝稱交友直諒居鄉勇於為義侍郎

彭玉麟師事之 懷甯縣志

王沆字師潮桐城諸生九歲喪父哀毀如成人及長母歿哀毀旬日而卒

桐城縣志

張勳字蕭烈桐城監生兄析居後客死勳奉嫂撫孤成立償兄餘債五百金

桐城縣志

張耕裕桐城人兄弟三人耕裕出嗣胞伯析居時應得家產之半耕裕仍與兄弟均分族人復議以腴田數十畝畀之卻不受

桐城縣志

吳維楚字舒翹桐城諸生父應植著靜思錄皆言忠孝節義感應事維楚自悼孤貧終身奉行此書友愛諸父兄弟至老怕怕

子庭輝字勛齋善事父母拾薪負米皆親為之食貧好學雖飢餓不釋卷卒年三十三

桐城縣志方宗誠柏堂文集

王家彥字葆華太湖舉人五歲讀論語即知孝弟之義居父母

喪廬墓後議敘知縣以祖母年老不赴

太湖縣志

何資鳳字紀堂宿松人衛千總居親喪哀毀盡禮兄弟四人篤愛至老不衰族黨有貧苦數十人食於家歿則殯葬之

宿松縣志

楊球茂宿松人幼孤家貧事本生母嗣母皆極愛敬力謀甘旨無缺弟卒撫孤成立

宿松縣志

陳安茫望江人母病籲天請代兄弟五世同居中歲喪偶不再聚家貧好施有鬻妻者賣耕牛以完聚之

望江縣志

汪植植桐城人咸豐年以孝行

旌表

科鈔

廩生吳漢槎民人朱方俱桐城人同治十二年

旌表孝子

桐城縣呈册

重刊... 人... 孝友... 徽州府... 唐黃芮歙縣人... 芝及連理木... 南唐戴奢... 葬於歙廬墓... 宋王六歙縣人... 母歸刈薪... 王延釗婺源人... 延釗法一家...

重修安徽通志卷二百三十六

人物誌

孝友三

徽州府

唐黃芮歙縣人割股為羹以愈繼母病父卒廬墓終身墓側產

芝及連理木貞元十九年旌一統志唐書本傳

南唐戴奢字君儉父安保大中守新安遂居休甯奢母廉氏卒

葬於歙廬墓不忍歸人稱孝隱先生休甯縣志

宋王六歙縣人母病瞽貧甚依親金氏久而厭之六甫九歲掖

母歸刈薪以養事聞旌表江南通志

王延釗婺源人以孝弟世其家至曾孫德聰等遞領家政一稟

延釗法一家數千指同居七十餘年天聖初旌江南通志婺源縣志

曹矩字晦之休甯人景祐元年進士官屯田郎中以孝聞其任都官日馳贈其父汝弼殿中丞燎黃之夕芝產塋上事聞詔賜所居為孝芝里

江南通志 徽州府志

祝確字永叔歙縣人親喪廬墓兄弟先後死熙河萬里徒步以歸其喪親舊有盡室病臥者確每旦攜粥藥徧飲食之凡遇貧乏輒傾財與之無吝色為郡學錄識朱松於諸生以女妻之生

朱子

一統志

程四歙縣人幼孤鞠於姑姑病革四曰吾幼失怙恃姑猶母也當報德乃焚香取髓為粥以進姑遂愈

江南通志

夏倅休甯人早孤孝養其母母卒廬墓墓生瑞竹又生芍藥並

人蒂者二鄉人號其堂曰雙應

江南通志

陳克己休甯人母有疾女割股婦繼之克己又剖其肝母病尋

愈同邑鮑乙母垂亡乙焚香鑿胸取髓煮粥以進遂愈

江南通志

州府志

汪廷美婺源人百口聚居食必同席非祭不肉遇忌終日齋祥符中減賦美亦減其田租有鬻香者去後發其裹得金追而還之平生善行甚多人稱汪長者

江南通志

張珏字公予婺源人弟滋罽誤法當死珏曰吾力單微養母不如弟自拘有司遇赦徙邊以是見知於韓世忠從討叛寇補官後從朱弁使金還以病乞歸詔旌其坊曰昭義授銀青光祿大夫有竹溪詩稿三十卷朱子跋之稱其孝友絕人有古篤行君子所難能者不獨其詩而已

江南通志 徽州府志

詹惠明婺源人父坐法當死惠明求代不許獄上復詣郡請齧指出血書詞甚哀方盛夏伏府門外自灼其頂太守曾統見而

憐之明日至庭下曾方閱狀忽自割其耳血淋漓曾大驚竟為

一統志徽州府志

俞康直黟縣人先世有業在錢塘族人擅其利不問會他族訟

黟縣志

卒與族人康直舉孝廉方正為睦州通判後監洞霄宮

矣婺源縣志

滕鈺婺源人幼聞朱子之學務為實踐兄疾走千里視療兄卒

撫姪如子景定初舉孝廉不赴從弟錡母患疽自吮其毒喪明

復舐之得復明徽州府志

鮑壽孫歙縣人宋末盜起里中父宗巖為賊所得縛樹上將殺

之壽孫泣拜願代父死宗巖曰吾老矣僅一子奉先祀願自死

盜兩釋之宋史鄭綺傳

按鮑壽孫歙志所載與宋史不同今從宋史

汪樞婺源人父復通判揚州德祐末兵至復端坐不去兵欲執

之樞時年十四以刀拒斃一兵左右負復走眾遂殺樞丞相馬

廷鸞曰能執干戈以衛父母世不乏童汪錡矣江南通志

盧鏐黟縣人為郡學掌儀居於郡城母唐病危藥弗瘳割股食

母母隨以安郡守魏克愚上其事建忠孝坊黟縣志

汪宗臣婺源人咸淳間兩中選入元不仕與弟季洲孝友天成

子姪四百餘指同居數十載和氣雍雍著有世乘窺斑及紫氣

集婺源縣志

周元深祁門人元兵至負親入山得免及親卒廬墓三年祁門縣志

汪元字元善黟縣人四歲喪母哀毀如成人事繼母以孝聞昆季三人元居次稱友愛父喪哀毀終制無違禮當景炎丙子羣小竊發肆屠掠元所居鄉安堵如故黟縣志

元朱汝清字震雷休甯人兄汝賢字震賢宋咸淳間進士授浙江常平司提舉有政聲入元不仕隱居顏公山里人建祠祀之

汝清天性醇篤官明州府同知與兄汝賢弟汝弼汝輔同居無閒言出家財獨建休甯儒學鑿山為渠引水建塌灌田十餘里鄉人永賴又置義庫義倉以賑貧乏元史孝友傳 休甯縣志

程天經休甯人幼失怙恃祖母鞠之九歲遭亂轉徙流離孝養備至亂定歸鄉營葬先塋即葺屋廬墓祭以守之休甯縣志

汪德新祁門人父卒廬墓三年祁門縣志鮑元鳳歙縣人元季寇亂鳳與妻子訣曰吾有母不能汝恤遂

負母避巖穴亂定歸薄暮恍若神導得與妻遇其母喜極而泣曰天也江南通志

黃一清字清夫休甯人母病亟一清顛天減己算以益母夜夢神曰明日有老嫗來當得藥且果有嫗授以啖蜜法而無從得蜜乞之鄰鄉夜還遇虎號泣曰我死不足惜如母何虎熟視而

去江南通志戴焞婺源人父卒與弟焮焯同廬墓三年朝夕奉盥上食如生客至兄坐弟立老而不懈所著有歷代人臣龜鑑二百餘卷世

稱三戴江南通志 徽州府志許文福婺源人以孝繼母聞至順中徵為潁州屯田總管官以

親老辭母卒涕泣喪明徽州府志吳達休甯人母年八十久病癱瘓起居飲食親為扶持同時祁

門李廉侍父疾三年不解衣帶歲饑民盜擒其魁散其黨出粟以賑

徽州府志

汪俊德歙縣人幼孤侍祖避亂途遇寇欲刃之俊德涕泗求代賊異而釋之少從鄭玉遊玉死節以孤託俊德撫之成立嘗割己田易地為莘墟場渠鄉人德之歿而祀之於社子積善道得金珥守之一婢哭而來還之後因水漲候渡有拜河干者則其婢與夫也延款其家水忽大漲覆舟積善得免

徽州府志歙縣志

汪益謙字受之歙縣人至正初江南寇起誘殺其弟良都益謙率鄉團三入賊巢奪弟尸出身被數創及樟塘而歿

國朝道光閒

旌立坊表

歙縣志新增

明汪葵黟縣人生值元末隱居不仕每晨攜斧入山又歲蓄芋

數百石亦負運而去如此者十餘年後元亂兵變邑人竄匿無所葵引入深山村舍宛然部分居處發牆為糜食之蓋累歲蓄芋所築者性孝友父疾衣不解帶者二年號泣於庭有烏銜草墮其前拾草煎湯以進父遂愈自是每晨散粟飼烏

國朝乾隆二十八年

旌表

江南通志黟縣志

程勝績溪人洪武時坐黃冊遲慢被逮其弟寶賢爭行勝曰爾生母在堂且無子不可棄母而絕後但父母未葬爾其圖之遂

死京師

徽州府志

江彥良歙縣人洪武時父歿於客邸星騎露宿奉櫬歸而母亦卒喪葬如禮弟妹俱幼彥良服買以養以婚以嫁辛勤數十年家道漸裕盡均之諸弟一毫不私邑有兄弟爭產致訟者邑令

曰獨不聞江某耶其人愧謝去不復爭

歙縣志

金彥文休甯人三歲喪父舅奪母志祖父撫育成人採薪負米

以供祖養後母復寡迎歸卒哀毀踰禮廬墓三年虎過廬側不

為害人咸驚異

江南通志

吳修休甯人幼孤事母孝鄰火延燒百餘家修抱母號天火頓

息母卒廬墓羣鳥來巢成化中旌

江南通志

方安居祁門人父卒廬墓

祁門縣志

許岳祁門人明初父以誣議辟岳請代死後以冤白得免

祁門縣志

張信婺源人母疾割股療之母遂愈及卒廬墓永樂中貢入太

學知永福縣

徽州府志

畢文璟歙縣人父卒淚血幾喪明母病割股療之又洪祖鮑文

行李士景皆歙縣人割股以愈母疾

江南通志 徽州府志

鄭慶師歙縣人父存仁為常熟縣丞以事謫戍普定衛發其家

赴戍所至池州母病甚慶師夜祈北斗請代割股以進母痊而

慶師病至嘉魚縣遂卒葬於縣旁之原至今稱為孝子墓

歙縣志

程完祐祁門人父卒廬墓哀毀而卒

祁門縣志

葛泰績溪人母疾篤思食生梅時已八月泰每遇梅樹涕泣盤

桓竟得之持以食母而愈又婺源汪用耕母病不解帶者五旬

思食楊梅登山徧求呼天而泣得紅熟者以進疾遂愈

江南通志 徽州府志

州府志

汪勝祖祁門人父母卒皆廬於墓烏巢其楹芝生於側

祁門縣志

黃新仁祁門人父歿廬墓三年同邑鄭思熹程宗洋皆以廬墓

聞縣志

汪存歙縣人割股以愈母疾嘗隨父商歸父捨舟先行人言前

途多虎存冒雨追之行四十里始及果遇虎山陬存泣告天願

虎傷已勿傷父虎竟去 江南通志 徽州府志

何澄歙縣人嘉靖戊子舉人割股愈母疾出繼族父後有爭繼

者澄推讓田產無所取而歲時祀事不絕嘗夜行拾遺囊守其

人而還之 江南通志 徽州府志

方德興績溪人母病疽親為吮血衣不解帶 徽州府志

許欽績溪諸生母卒廬墓三年父繼卒結廬守哭亦三年宏治

中旌 明史孝義傳敘 江南通志

吳龍歙縣人與兄鼎弟珊客黃州眾夜鬪殺人誣鼎吏捕之急

鼎不知所出甯曰兄年高無子弟為老母所憐皆不可死願代

兄以塞禍遂詣吏就繫鼎冤之求直不已甯曰必無生理不若

保餘貲善事老母撫弟姪立門戶毋以弟為念也其夜具衣冠

自經死黃州人傷之請於府禮葬焉 江南通志

舒壽安黟縣人事親孝友愛二弟親歿卜地以葬術人曰此誠

吉壤惜不利於伯氏壽安曰卜兆期安先靈他何求遂葬之後

仲季支裔繁衍而壽安後亦寢熾人謂孝友之徵 黟縣志

汪有恆休甯人父疾不解帶者累月及卒廬墓刻像以奉有仇

夜火其廬夢有呼之者得驚起抱像出復葺以居母年百歲卒

復廬墓三年子尚和亦孝友不干祿仕 徽州府志

黃鑑歙縣人父久商不歸鑑兒時問父安在輒號泣不食年十

四告母行訪其父與弟訣曰不得父吾不返矣至黃州遇一舟

舟人相謂曰彼少年甚類爾鑑心動亟登舟詢果其父相持慟

哭同歸 江南通志 徽州府志

潘選字玉選婺源人宏治乙丑進士知江東寧久為戶部主事

歷山西僉事貪吏望風解綬乞養不得遂棄官歸母病思食鯽
急不可得自解衣入池捕之果得二鯽母病遂愈母卒哀毀七

日亦卒

徽州府志

汪讓休甯人年已八十一夢神告賊發冢急視之賊遯遂廬墓
側病革始歸嘗夜行逢虎以手探之甚馴朝跡其處齧犬去矣
里中五穀神為厲讓檄而滅之汪循為作鐵漢傳曾孫濂孝如
讓父卒母程欲身殉濂衣不解帶同臥起二年得不死

江南通志

州府志

鄭泗歙縣人父母卒俱廬墓三年紫芝生其旁白兔馴於側嘉

靖中旌

徽州府志

許象先字汝賢歙縣庠生父歿於淮奔喪無晝夜母繼歿哀毀

十五日亦卒

江南通志

王靖祁門人成化丁酉舉人百口同爨尺布不私後官交河知

縣以節操聞

江南通志

余燧婺源人二兄繼卒辛勤撫其遺孤及析箸父以家道之成

由燧命之倍燧不可卒三分之

徽州府志

吳樓字用觀歙縣庠生母病衣不解帶者數月及卒廬墓三年

同邑程大熊庠生母歿廬墓三年又胡賓王婺源人母卒哀毀

幾死結廬墓側朝夕哀奠者三年

徽州府志

程振歙縣人少失母事父及繼母盡孝父疾祈禱願減己算以

益父既藥石不效割股進之遂愈父年八十一卒振亦垂老厝

柩於野去家五里振夜必往寢於柩旁其初居喪庭中紅花忽

變而白貓犬戾甚變而相馴

徽州府志

方尚用歙縣人父患痢刲股煎湯以進遂愈尚用死母病啞夢

尚用泣告曰孛齋可愈如其言食之果痊人皆詫其生死盡孝

江南通志

謝用祁門貢生父永貞

徽州府志作正陽

生母馬氏永貞外出嫡母汪

妒而嫁之五月生用永貞還抱用歸寄乳鄰媪汪聞而收養之

踰年汪亦生子厥愛維均用冠始知所生密訪之則又他適矣

一夕宿休甯農家有寡嫗出問之告以姓氏及尋母之故嫗曰

若母為誰曰馬氏嫗曰若非永貞之子乎曰然嫗抱用曰我即

若母相持而哭用歸告父并其同母弟迎歸居別室後汪感悔

迎馬同居永貞卒用居喪盡禮鄰人失火延數十家至用舍風

返火息事聞詔旌其門

明史本傳

謝廣祁門人父求仙不返廣娶婦七日即別母求父遇於開封

逆旅父乘閒復脫去廣跋涉四方垂二十年終不得聞者哀之

明史趙重華傳

唐宗傅績溪人四世同居宗傅總家政毫無私入親戚遇禍患

者必為之慮處周詳子士顯建合族公祠出祭田以俱祠事同

邑唐詔諸生亦四世同居好行其德

徽州府志績溪縣志

余朝卿黟縣廩生性至孝母葉病癱瘓飲食必親扶掖垢必親

澣與弟友愛無私財

黟縣志

程相歙縣人自祖父遠以來至相三世百年同爨期總數百指

友愛無閒嘉靖時巡撫陳鳳梧召相及其叔泰進見待以殊禮

命郡守鄭玉手書百忍遺風旌其門鐫泰相名於里之節孝坊

徽州府志

余準婺源人少孤事母孝母疾籲天求代嘗做浦江鄭氏家法

立規七章設義阡置義倉斂無棺賑匱乏著有明倫內外編

府志

程伯祺績溪人父卒哀毀廬墓插竹編籬枯竹生筍蔚然成林同邑朱廣父病籲天求代母病割股愈之及父母卒哀毀廬墓

江南通志 徽州府志

汪安學周承昌周仲俊胡訓皆績溪人以割股救親聞又王汝承父患痔跪吮其瘡割股以進及卒廬墓

績溪縣志

趙舜卿歙縣人父令閩清同庶母卒於官舜卿聞訃哀毀晝夜馳往奉二櫬歸廬於墓側

徽州府志

何德新黟縣人家貧採薪以供孀母母病割股及卒廬墓三年同邑舒其芳母病與妻江氏同割股療之後江病劇孫紹復亦割股和藥而愈

徽州府志

汪之傑祁門庠生父商遊不返求覓經年行次壽春知其溺也

臨河號泣欲以死從壽春人憐而慰解之郡守勸以母在招魂歸葬廬墓哀奠終身不御酒肉

徽州府志

巴鼎歙縣人父久病鼎侍湯藥寒暑不懈汗穢在牀親為洗滌父病亟念幼子貧無以自植出三指示鼎鼎曰大人母以三弟為念兒當力撫之父遂瞑鼎鼎營治生產婚娶先弟姪而後及子

一錢尺帛無私

徽州府志

邵正林休甯人善畫及製墨母病割股療之及卒刻木為父母像以事汪道昆為紀其事

徽州府志

程邦仁歙縣人弟邦儀以爭先塋與族人訟不獲伸赴水死邦仁痛之誓死以報體肥不耐步履每日負襆被身挂二尺筒貯水漿疾驅中庭旋轉不已人疑其顛久之遂健行聞沈東出為郡推官乃走燕邸訴冤沈哀之抵徽閱故牘出邦儀驗之邦仁

撫屍一慟而絕觀者萬人哀動山谷東雪其冤論抵江南通志

王積歛縣人兄早卒遺孤僅二歲積與妻陳氏早夜提抱以至

成立為之娶婦又客死歸其喪遺孤在襁褓積撫之猶前撫其

父也積年六十從孫猶未冠以貲產分畀之不厚其子積起貧

窶撫孤二世高行足為流俗勸云徽州府志

許立德歛縣人大學士國長子母汪氏病噎不食立德亦不食

母歿遂以積餓哀毀死三日復甦彷彿見母送之歸既葬廬墓

側日夕悲號父佯稱病召之歸念母慟哭父亦哭後恐傷父心

輒走哭他所盡哀而返屢當蔭並讓其諸弟江南通志

胡之憲歛縣人母病篤之憲年十歲其姊玉娥年十三相向哭

憲謂姊曰聞病危惟割股可救遂同拈香告天剝股和粥進遂

愈天啟閒旌曰雙孝之門明史孝義傳敘

江南通志

尹夢炎歛縣人弟夢昌夢呂夢友皆童子也母病瘵夢炎夢昌

藏小刀令夢呂縛臂割肉進母夢呂曰均子也有一不割其可

忍耶惟夢友少可掩而圖之夢友知之不可謂必先割我我乃

無號遂伸臂交割以進母飲而甘之父聞而加詈焉路人為之

流涕同邑許嘉賓年十二割股愈父疾方矜式亦童子許性本

年十三皆割股療父疾又祁門程鵠年十二父卒刻像事之孺

慕終身同邑洪應培九歲割左脅以療母巡按旌之給衣巾免

徭役績溪胡大助年十三割股愈母後母卒廬墓三年婺源俞

繼龍年十五割股愈母疾同邑董昌正戴逢洽皆童子並割股

以愈母疾徽州府志

吳榮讓歛縣人父歿於楚榮讓年十四卽往尋舟覆鄱陽緣木

獲免得父骨於襄陽藁葬誌之越十年復往昇歸遞葬高曾以

下及親戚之無主者凡十九喪建宗祠置義田義塾天啟間旌

明史孝義傳敘
江南通志

胡廷瑞績溪廩生親喪廬墓六年朝夕泣奠膝成黑臆同邑方正母葛孀居有弗懌輒為童戲以娛其心母卒兄弟建蓼莪館

於墓左朝夕哭奠事聞得旌

江南通志
徽州府志

汪宗淮祁門人父客亳州妾宋氏生淮父卒淮僅三歲隨嫡母扶櫬歸比長往尋母已他適踪跡至陝一日值風雨憩道旁一

老嫗荷鋤田間偶詢之即其母也相抱哭奉以歸

江南通志

徐尚文歙縣人父卒偕弟尚元廬墓三年同邑畢力道事父孝父卒侍兄疾刺臂和藥以進

徽州府志

余鎬婺源人父以兔擬大辟繫郡獄鎬自縛請代郡守哀其孝許之後得白

江南通志

潘鼈字希鼎婺源人嘉靖甲午舉人父卒廬墓三年刻像以事

後仕武陽令祀名宦

徽州府志
按祀名宦者當入宦
績檢府志無事實可考姑仍其舊

程蒙恩婺源人母病刲股愈之父卒廬墓

徽州府志

蕭榘歙縣人母李笄年守節遺腹生榘母疾刲股和藥得愈及卒廬墓有兔馴芝生之異

徽州府志

汪朝京字錫之黟縣人嘉靖丙午舉人母卒廬墓羣鳥畢集父為樂平令卒於官跣足扶櫬至和州渡江舟將覆朝京號天大

徽州府志

慟俄風漾入淺水得免

程周歙縣庠生父病刲股以進族人利其產誣周殺父幽獄三

江南通志

年遇朝審周至庭風雨大作及開棺天日清朗父死三年貌如生乃以鼓樂送歸

江南通志

江應全歙縣人父歿兩月而生遇父忌輒悲號母疾與妻同割

股進居喪廬墓哀毀事聞得旌江南通志

汪斯清婺源人母卒廬墓終喪又嘗捐重貲架梁以通湖徑塢

壞嶺以闢通衢行人賴之徽州府志

程琦休甯庠生父病疽琦躬吮之父嗜薯琦終身不忍食薯嘗

授徒山中聞母病夜歸顛蹶中若兩燈前導及入境始知其為

虎也江南通志

詹侃休甯人選閩縣尉迎養母母病咳夜需湯侃寢榻下聞咳

即起嘗割股沸湯以進母卒哀毀股創迸裂而卒江南通志

王弼婺源人年十六隨父之雷州任舟次南雄盜夜入舟持斧

挾其父弼以身蔽之父得免而弼負傷溺水死七日屍浮面如

生徽州府志

吳公寬歙縣庠生年十六母喪哀毀幾至滅性與祖母胡相依

胡病篤焚香告天割股療之得愈後公寬游學廣陵疾革有僕
名隨印亦割股以救之又婺源王天芳父病割股以進得愈徽州府志

汪鏐歙縣人母早寡以紡績易食鏐幼見之食不忍飽及長事

母必順其志鄰人失火及其門而滅有司旌曰節孝格天子熙

亦孝友推財讓產嘗北游歸至筓嶺心動乘夜涉險抵家得與

母訣徽州府志

胡崇壽婺源人母疾衣不解帶者數月割股作羹以進得愈及

卒結茅墓側哭奠者三年徽州府志

許應麟祁門人母病割股療之及卒廬墓三載又休甯金九苞

母病割股及卒廬墓以哀毀卒於墓所江南通志 徽州府志

吳應麒休甯人幼孤依祖祖歿哀毀骨立念父不逮養終身不

聽絲竹弟析產後蕩其貲復分己產與之江南通志

汪德壽休甯人居母喪淚盡繼之以血廬墓三年父卒亦如之

江南通志

汪知進婺源人父病刲股母喪廬墓紳士欲表於朝泣謝不許

徽州府志

邵燕休甯人八歲父得心疾啼泣追隨不解衣帶父愈乃已萬

歷癸酉舉於鄉將上公車心動而止無何父疾卒哀毀骨立卒

於苦次得旌立祠徽州府志

汪尙質休甯人少孤事兄撫姪備盡恩誼四世同爨無閒言江南通志

通志

周昱黟縣庠生家貧事親能養志兄以疾廢業贍之終世撫弟

尤篤三世同居無閒言黟縣志

李仕昌婺源人兄仕選為仇家誣構殺人逃匿逮仕昌擬抵罪

弟仕昭訴曰縱兄逃者我也仕昌曰兄逃我長二人爭求坐成

疑案後事白得釋江南通志

吳仲成休甯人成化閒以孝旌江南通志

程家相歙縣人親喪廬墓三年領萬歷壬子鄉薦知光澤縣有

重囚母病思一見憫其情即縱之歸其母卒囚自投獄後升柵

州知州徽州府志

汪天祿歙縣人七世同居一錢尺布不自私歙縣志

王功啟婺源人母病危禱城隍廟願以身代既而祈筮如所請

亟歸語家人曰神許我代母矣沐浴整衣臥以衾覆面人嗤其

愚須臾視之果逝母竟愈徽州府志

程庭楨歙縣人母病劇刲股不效既卒撫尸痛哭一踊而絕徽州府志

府志

王世澤歙縣人生一歲父客死出一詩扇囑遺孤及長索扇已亡多方購得之每一展閱淚下不止年九十哀慕如初先是扶輿歸道遇虎從人驚散虎見世澤垂首而去董其昌為作傳并

詩徽州府志

汪思智婺源人隨父解軍南京歸舟父卒智恐舟人棄其屍以

身掩護日兼人食又時作呻吟聲七晝夜抵饒州始發喪江南通志

程光琬休甯人幼年母病劇引刀斷一指禱救母果起同邑黃

琢割股愈母父葬廬墓休甯縣志

曹孜學婺源人三歲喪父甫九齡兩兄欲析箸孜學泣不忍兄

感之復同居後兩兄緣事繫京師孜學傾產往救坐是貧落而

心益怡然江南通志

朱模劉燕汪應科應聘應政汪度詹鍾吉程猶嬰劉正蘭汪文

訓皆休甯人並以割股救親聞休甯縣志

楊天瑤休甯人親歿廬墓三年同邑庠生楊采章父母歿各廬

墓三年休甯縣志

王問禮休甯人年十四割股愈母疾後侍父自浙歸父溺禮入

水拯之父出禮竟死休甯縣志

金正賢休甯人年十七割股救母子生麗早失恃怙年十六割

臂煎湯療祖父足瘡休甯縣志

金世科休甯人割左臂療母病又割右股療父病不痊更割足

股遂愈休甯縣志

吳世光休甯人父病亟夫婦爭割股以進得愈及卒廬墓虎遶

廬側若為呵護者休甯縣志

謝世麟祁門人父久客無耗千里尋歸父母相繼病篤割股救

療又嘗捐資修明倫堂建聚奎堂

江南通志 徽州府志

余枝華黟縣人父九旬華亦七旬侍疾臥榻逾年罔懈家貧苦

水遠庭閒忽涌甘泉以供汲人稱孝感

江南通志

胡仲俊績溪人割股療親修橋賑饑卒年九十四

江南通志

吳拱宸休甯諸生幼失母及長追思不已刻像奉祀有庶弟二

行不謹拱宸恐傷父心撫愛彌加直指以聞詔擢授景陵丞

江南

舊通志 徽州府志

程士章歙縣人父客遼陽母孕士章五月耳父卒客所友人馮

都司者葬之高某阡付牒守焉語其僕名法者識之而歸未幾

母亦歿士章長乃同法往遼出牒證墓所具棺啟空刺血濡縷

沾枯猶潤手其骨諸指如或撫之遂奉骨歸葬

徽州府志

潘煥歙縣人父病篤聞割肝可救乃以斧自剖其胸探之無有

割肉片許和粥以進得愈及卒廬居墓側產芝數十本

徽州府志

金應忠休甯人同弟挾策江淮閒俱為寇所獲弟曰兄能事母

可殺我兄曰弟未有子願殺我賊義而兩釋之

江南通志

吳中良字舉巖休甯人父病割股以進母病妻許氏亦割股療

之家貧中良晝煨夜讀遇夏多蟲以兩足納甕中領萬歷己酉

鄉薦官武岡知州

徽州府志

汪邦謨祁門人母病嘗糞割股愈之父卒廬墓三年

徽州府志

余伯麟婺源諸生父育以舉人知竹溪縣崇禎七年為流賊所

執伯麟號泣請代賊殺之父得免

徽州府志

汪宏裘歙縣諸生幼失母及長聞母欲為橋以濟外家山口路

乃鳩石成母志人稱孝子橋父侍御督學燕都卒於官訃至宏

裘一慟出血數升往奉父柩南旋日必慟慟必血二年而卒徽州府志

府志

王汝棠黟縣人父病痢割股和藥以進得愈子賓明廩生父疾禱天求代母病衣不解帶夜恆數十起友愛諸弟周給親族人咸德之黟縣志

楊泗祥休甯人父卒未葬土寇猝至守柩不去寇戒勿犯嘗復建還古書院創紫陽六邑文會好義不倦江南通志

吳嘉祺休甯人父爽明末官中書卒於都嘉祺號泣辭母奔喪眾以流寇方警勸勿往不聽竟去扶櫬歸舟次侯仙間遇賊縱火焚舟不忍避抱棺焚死

國朝乾隆四年

旌表建坊休甯縣志

汪必振黟縣人父疾割股兄弟三世同爨同邑朱正綸父病割股和藥得愈黟縣志

李如樞黟縣人年十三父病割股母病又割股皆得愈又同邑

郭隅胡太臻胡振安王甯程文廣皆以割股救父母聞黟縣志

仇金發歙縣人五歲喪父母患心疾刺血和藥進之得愈又病

割股以進及卒廬墓三年同邑許美祖許珂江淇皆以親歿廬

墓聞歙縣志

程起善歙縣庠生年十四從父錢塘歸父舟火發起善在別舟

急起大呼推篷出救倉卒墮水猶聞呼救父者三竟死同邑方

祖蔭從父過甓社湖父墮水蔭奮身拯之父出而蔭竟死歙縣志

吳德翼歙縣人父病割股以進母卒不茹葷者十六年同邑洪

時芳朱子俊汪耀吳貞美汪可託胡一相畢士燿鮑文光仇允

元洪夢陽汪鳳齡汪冰玉吳應登程景祥皆以割股救親聞又
凌邦鎮割股以愈兒疾歙縣志

許一純歙縣庠生父久不歸尋訪數年始遇於齊夜半盜登舟
倉卒失父一純持盜裾索父曰我今日始見父復又失之何以
生為盜為徧索舟中得於舵後并歸其衣囊歙縣志

吳吉曜歙縣人母病目日夜舐之復明後又病篤割股以進得
愈同邑鮑敘廉凡三割股以救父疾父又病目以舌吮之而愈

歙縣志許世熙歙縣人奉父命游學於外聞父病馳歸而父已殯撫棺
一慟嘔血數升而絕歙縣志

張寶歙縣人父為賊所劫寶年五歲抱父大哭求代賊異而釋
之歙縣志

陳邦賢祁門人母病割股以進得愈江南通志

程文甲祁門人父病割股食之而愈同邑梅正求黃嘉榕倪文
顯倪大燁倪大為倪道素汪瓊正皆以親病割股聞祁門縣志

汪大佐祁門人童時母疾人謂割股可救大佐誤聞股為肚引
刀剖腹血流至死祁門縣志

許天璽祁門人祖母目盲餽之復明母疾割股以進得愈子應
琦亦以割股療母聞祁門縣志

汪伯薦字士倩祁門人崇禎戊辰拔貢幼失恃父游荆楚不歸
伯薦僅十齡養祖父母至孝及卒殯葬畢即棄家尋父數年不

得自投於江同行者救之乃具衣冠招魂以葬眾勸就選泣曰
朝廷安用此無父之人遂不仕祁門縣志

康堅字志高祁門人五世同爨錢帛無所私父耀為從弟承糧

投解池州大同驛勞瘁而卒堅尋骨數年得櫬以歸正德閒助

餉十萬賜七品散官

祁門縣志 新增

鄭天麗字西菴祁門人母歿廬墓三年

祁門縣志 新增

康澄字維清祁門人九歲避兵山中賊執其父澄牽衣哭甚哀

突有虎攫賊去得免及父卒結廬墓側

祁門縣志 新增

朱光國字照鄰休甯人父為流寇所得要重資光國呼號請命

刃之不為動稱願從父死賊感而兩釋之

祁門縣志 新增

黃宣休甯人幼喪父母朝夕思慕年七歲見羊跪乳一慟而絕

休甯縣志 新增

蘇文用休甯人父歿廬墓三年

劉時賢休甯人母歿廬墓三年

